



ÖSTERREICHISCHE  
NATIONALBIBLIOTHEK

702281-B

*Esp*

4





ÖNB



+Z120609703





# Pri Reformoj en Esperanto

ARTIKOLOJ PUBLIKIGITAJ DE

D<sup>ro</sup> ZAMENHOF

en la Nurnberga gazeto "Esperantisto" dum la unua duonjaro de 1894,  
kopiitaj kaj represitaj per zorgo de


D<sup>ro</sup> EMILE JAVAL



COULOMMIERS  
IMPRIMERIE PAUL BRODARD

—  
1907

702284-B



# PRI REFORMOJ EN ESPERANTO

(UNUA ARTIKOLO, JANUARO 1894, n° 1 [49], p. 3-5.)<sup>1</sup>

Kiel mi promesis en la n-ro 12 de « Esperantisto » 1893, mi P. 3.  
nun komencas sisteman analizon de nia tuta lingvo. Peco post  
peco, komencante de la alfabeto kaj finante per la lasta vorto de  
la *Meza Vortaro*<sup>2</sup>, mi priparolos la tutan lingvon, kaj pri ĉiu peco  
mi montros, kian formon mi donus al ĝi, se mi komencus la  
kreadon de la lingvo nun, havante post mi jam 6 1/2 jarojn da  
praktika laborado kaj elprovado kaj elaŭdinte jam tiom multege  
da opinioj kaj konsiloj, ricevitaĵ de plej diversaj personoj,  
gazetoj kaj societoj el la plej diversaj landoj de la mondo. Kiam  
mia tuta analiza laboro estos finita kaj niaj legantoj havos antaŭ  
si jam plenan pentraĵon de la nove proponota perfektigita  
dialekto, tiam mi turnos min al la Ligo Esperantista kaj proponos  
al ĝi decidi per voĉdonado la sekvantajn demandojn : 1) ĉu ni  
devas restigi senŝange la malnovan (ĝisnunan) formon de nia  
lingvo? 2) ĉu ni devas akcepti la novan formon, kiun mi estos  
prezentinta al la Ligoj, en ĝia tuta pleneco? 3) ĉu ni devas fari  
aliajn reformojn en la lingvo? Se la Ligo elektos la unuan  
decidon, tiam ni tute ĉesos paroladi pri reformoj, ĝis la tempo,  
kiam la ligo iam eble decidos alie. Se la Ligo elektos la trian  
decidon, tiam ni daŭrigos presadi ankoraŭ aliajn reformajn  
proponojn de ni kaj de aliaj amikoj, ĝis la Ligo trovos, ke la  
demando de la reformoj estas elĉerpita. (Kiu ne volas atendi kun  
siaj reformaj proponoj, ĝis mia analiza laboro estos finita, tiu  
havas kompreneble la rajton prezenti siajn reformajn proponojn  
al la Ligo jam nun). Se la Ligo elektos la duan decidon, tiam ni  
anoncos, ke la demando pri reformoj estas teorie finita kaj ni  
alpaŝos al la praktika elprovado. En la praktiko (t. e. en la eble

1. En tiu represo oni indikis la numerojn de la originalaj paĝoj en  
*Esperantisto*.

2. T. e. la *Universala Vortaro* (verko n° 64; vidu p. 9). (*Nota de la  
represso*).



ankoran eldonotaj verkoj, en la korespondado inter la Esperantistoj k. t. p.) tiam ĉiam ankoraŭ restos en sia plena forto la dialekto malnova; sed, komencante de tiu tempo, unu parto de nia gazeto (aŭ eble la tuta gazeto) estos jam presata en la dialekto nova, por doni al ĉiuj la eblon sufiĉe esplori ĉu la nova dialekto ne havas en la praktiko iajn maloportunaĵojn aŭ erarojn. Se en la tempo de tiu elprovado montriĝos iaj eraroj, ili estos forigitaj. Tiu ĉi tempo de elprovado daŭros laŭ la bezono 3-6 aŭ pli multe da monatoj, kaj kiam neniam duboj jam restos, tiam ni anoncos, ke la fina formo de la lingvo Esperanto estas jam decidita por ĉiam, kaj la lingvo restos de nun jam por ĉiam neŝanĝebla (en tiu senco, en kiu ĉiuj aliaj vivantaj lingvoj estas neŝanĝeblaj), kaj tiam komenciĝos la plena kaj solereganta praktika uzado de la nova dialekto. Sed antaŭ ol ni tion ĉi anoncos, ni kalkulos niajn fortojn, por konvinkiĝi, ĉu ni havas la eblon krei novan sisteman literaturon anstataŭ la forĵetota malnova; se montriĝos, ke ni la sufiĉan forton ne havas, tiam ni atendos ankoraŭ kun la praktika enkonduko de la nova dialekto, ĝis la fortoj troviĝos.

P. 4. Niajn legantojn kaj entute la amikojn de nia ideo mi petas, ke, laŭ mezuro de presado de miaj artikoloj pri la reformoj en Esperanto, ili daŭrigu sendadi al mi siajn opiniojn kaj konsilojn. Ĉiujn ĝis nun ne esprimitajn kaj eble ankoraŭ venontajn bonajn konsilojn mi uzos en la fino (aŭ eble ankoraŭ en la daŭro) de mia serio da artikoloj en formo de aldonoj aŭ ŝanĝoj al mia proponata nova gramatiko-vortaro de nia lingvo.

## I. ALFABETO

En la ĝisnuna alfabeto de nia lingvo la praktiko montris la sekvantajn maloportunaĵojn : 1) **Signoj superliteraj.** Tiu ĉi punkto, kiu siatempe en teorio ŝajnis tute-sensignifa, en la praktiko montris sin kiel tre grava barilo por la disvastiĝado de nia lingvo. Dank' al tiuj ĉi signifitaj literoj, kiujn la presejoj ne posedas, la libera ĉialoka presado de libroj en aŭ pri nia lingvo kaj la publikigado de nia lingvo per gazetoj fariĝis preskaŭ absolute neebla. Ni devas tiujn ĉi literojn forigi.

2) **Superfluaĵ sonoj.** Nia lingvo posedas kelkajn sonojn kiuj ne trovas sin en tiu aŭ alia el la plej gravaj Eŭropaj lingvoj

(ekzemple ĵ, ĝ, k. c.). Estas vero, ke tiuj ĉi sonoj altigas la bonsonecon de nia lingvo kaj ke ellerni ilin ne estas malfacile; sed ĉar nian lingvon ĉiu ellernas per libro kaj ne per buŝa instruado kaj, renkontante tiuj sur la unua paŝo malfacilan kaj ne klare kompreneblan sonon, la plej granda parto da komencantoj perdas ĉian deziron lerni plu, tial ankaŭ tiuj ĉi sonoj estas granda barilo por la disvastigado de nia lingvo, kaj ni devas ilin forigi. Tiun ĉi oferon ni povas kompreneble fari nur al la plej gravaj de la ekzistantaj lingvoj; ĉar se ni volus fari tian oferon al ĉiuj lingvoj de la mondo, tiam el la tuta alfabeto restus nur kelko da literoj. Inter tiuj ĉi literoj ekzistas tamen tiaj, kiujn ni kuraĝe povas restigi; ekzemple la rusoj ne havas la sonon **h**; tamen la rusoj havas la sonon **ĥ**, kiu en nia alfabeto de nun ne ekzistas kaj kiu estas tre simila al **h**; ni sekve povas simple diri al la ruso (sen ia timo de konfuzo de literoj), ke li elparolu la sonon **h** kiel sian **ĥ** — la ruso estos kontenta kaj la grava litero **h** estos savita. Al la italoj la **h** ne estas fremda, kvankam ili en sia lingvo ĝin ne elparolas<sup>1</sup>. Tiel same ekzemple la sono **c**: kelkaj lingvoj ĝin ne havas, sed ili havas la literojn kaj sonojn **t** kaj **s** — ni sekve povas simple diri al tiuj ĉi popoloj, ke ili elparolu nian **c**, kiun ni nun skribados **z**, kiel sian **ts**.

3) Kelkaj literoj elvokas ĉe la komencantaj lernantoj de nia lingvo konstantan konfuzon, dank' al la tre forte enradikita kutimo, kiun ili alportas el aliaj lingvoj; tiel ekzemple la germanoj kaj kelkaj aliaj nacioj tre ofte miksas la sonojn kaj literojn **s** kaj **z**, ĉar ili kutimis elparoladi la **s**, inter aŭ antaŭ vokaloj, kiel **z**. Pro tiu ĉi sama kaŭzo multaj eĉ pli malnovaj esperantistoj ofte forgesas kaj skribas ekzemple **mesuro** anstataŭ **mezo**, **naso** anstataŭ **nazo** k. t. p. Nia fonetika skribado de **z** anstataŭ **s** faras ofte malbonan impreson sur la komencanton, kiu kutimis uzadi certajn vortojn en ĉiuj lingvoj ĉiam kun **s**. Forigi ĉiujn diritajn maloportunaĵojn ni povas nur per tio, ke ni tute forigos la sonon **z**. Ni sekve skribados **naso**, **mesuro**, k. t. p. Neniu elparolados ilin **nazo**, **mezo**, se li

p. 5

1. Mi havis kelkajn fojojn la intencon elĵeti ambaŭ literojn **ĥ** kaj **h**; sed per la ĝis nun faritaj provoj tio ĉi montrigis ion neoportuna; mi tamen daŭrigos ankoraŭ la provojn en tiu ĉi direkto, kaj povas esti, ke mi siatempe proponos ankaŭ la elĵeton de la **h**.

scios ke **s** ĉiam havas egalan akran elparoladon kaj ke la sono **z** tute ne ekzistas; sed se kelkaj popoloj en la komenco eĉ elparolados **nazo**, **mezur**o, tio ĉi ankaŭ ne malhelpos, ĉar pro neekzistado de la litero kaj sono **z**, tio ĉi donos neniam konfuzon aŭ malkomprenigon.

4) Se ni, pro la supre donitaj motivoj, elĵetos kelkajn literojn el nia alfabeto, kelkaj sonoj fariĝos tute ne esprimeblaj per nia alfabeto; tio ĉi tamen tute ne malhelpos al ni: por la lingvo Esperanto, tiuj ĉi literoj estos tute nebezonaĵoj, ĉar la vortoj de nia lingvo neniam havos en si la respondajn sonojn; bezoni tiajn literojn ni povos nur tiam, kiam ni volos fonetike esprimi nomojn aŭ vortojn de aliaj lingvoj; sed por tiaj okazoj (kiujn antaŭvidi kaj antaŭzorgi ne povas eĉ la plej riĉa alfabeto) ni havos literojn provizajn, kiujn neniu esperantisto bezonos lerni, sed kiujn li serĉos en la plena gramatiko nur tiam, kiam li iam bezonos ilin uzi.

Apogante min sur ĉio supre dirita, mi proponas por la estonteco la sekvantan alfabeton:

**Aa, Bb, Cc, Dd, Ee, Ff, Gg, (Hh?), Ii, Kk, Ll, Mm, Nn, Oo, Pp, Rr, Ss, Tt, Uu, Vv, Zz.**

Ĉiuj tiuj ĉi literoj estas elparolataj tiel same, kiel ĝis nun; nur la litero **c** estas elparolata kiel la ĝisnuna **ŝ**, kaj **z** kiel la ĝisnuna **c**. La kaŭzo, kial mi proponas ŝanĝi en la montrita maniero la elparoladon de **c** kaj **z**, estas: por eviti konfuzon kaj malbonsonecon, kiun donus la ĝisnuna elparolado de tiuj ĉi literoj dank' al la kutima neregula uzado de tiuj ĉi literoj en diversaj lingvoj. Pli klare la legantoj tion ĉi komprenos tiam, kiam ili vidos poste en la praktikaj provoj la manieron de uzado de tiuj ĉi literoj. — Al la legantoj, kiuj havas la kutimon tro rapide juĝi kaj kondamni ĉian objekton, ni turnas la atenton, ke la supre proponita alfabeto estas frukto de diversaj provoj kaj reprovoj kaj ke ĉio, kion mi nun diras, estas ankoraŭ ne faroj, sed nur proponoj; ili sekve ne rapidu kun kondamnoj kaj maldelikataj postuloj, ĝis la objekto iom post iom estos alili klara per la postaj praktikaj provoj; sed ĉiujn konsilojn mi tre volonte kaj danke akceptos kaj mi petas la amikojn sendi al mi siajn opiniojn pri la proponita alfabeto.



En la sekvanta numero mi priparolos la tutan gramatikon.  
L. ZAMENHOF.

## II. GRAMATIKO

(DUA ARTIKOLO, FEBRUARO 1894, n° 2 [50], p. 17-21.)

§ 1. La artikolon **la** mi proponas tute forigi. Kvankam per si P. 17.  
mem ĝi estas tre oportuna, sed al kelkaj nacioj ĝi prezentas tuj  
en la komenco de la lernado tian malfacilaĵon, ke ili perdas la  
deziron okupi sin je nia lingvo. Ke lingvoj povas tute bone  
ekzisti sen artikolo, tion ĉi montras al ni la lingvoj slavaj,  
latina kaj aliaj. En la okazoj, kiam ni volas necese esprimi,  
ke ni parolas pri objekto difinita aŭ nedifinita, ni povas uzi  
anstataŭ la artikolo difinita la vorton **tiu** (en la reformita formo,  
kiun ĝi havas) kaj anstataŭ la artikolo nedifinita la vorton  
**unu**.

§ 2. En la substantivoj mi proponas la sekvantajn ŝanĝojn :  
a) Forigi la akuzativon, kiu de unu flanko prezentas grandan  
malfacilaĵon al multaj personoj kaj de la dua flanko kontraŭ-  
parolas al la komuna spirito de nia lingvo, kiu havas deklina-  
cion nur per prepozicioj. Ke lingvo povas ekzisti tre bone sen  
akuzativo, tion ĉi ni vidas en diversaj civilizitaj lingvoj, kiuj  
havas akuzativon aŭ nur en certaj kategorioj da vortoj aŭ tute  
ĝin ne havas. Sekve : la akuzativo estu egala al la nominativo.  
Por eviti malkompreniĝon kaj konfuzon inter la nominativo kaj  
akuzativo, ni povas konsili (ne devigi) al la komencantoj, ke ili  
metu la nominativon ĉiam antaŭ la verbo kaj la akuzativon post  
la verbo; sed fari el tio ĉi ian regulon kaj malliberigi la ordon  
de la vortoj en la frazo ni tute ne bezonas, ĉar la logika sento  
kaj kelka kutimo facile donos al ĉiu la eblon eviti malkompren-  
iĝojn. Eraroj en la uzado de la akuzativo apartenas al la plej  
oftaj, kiujn la komencantaj Esperantistoj (kaj ofte ankaŭ la  
Esperantistoj malnovaj) faras, kaj la forigo de la akuzativo  
prezentos grandan faciligon por la lingvo. — b) La multenombro  
mi proponas formi per la finiĝo **i** (ĉar la litero **j** nun ne ekzistas  
en la alfabeto); tia finiĝo ekzistas en diversaj lingvoj (ekzemple  
latina, itala, slavaj), ne estas sekve arbitra (kiel kelkaj personoj  
erare pensis pri la **j**) kaj ĝi estas multe pli konforma al la mola

P. 18. spirito de nia lingvo ol la **s**, kiun diversaj personoj proponis. | Ofte ripetata **s** donus jam per si mem tre akran sonadon al nia lingvo, tiom pli nun, kiam kun forigo de la sono **z** la nombro de la vortoj kun **s** pligrandiĝos; pro tiu ĉi sama kaŭzo mi proponas ankaŭ la forigon de la **s** en la formoj de la verbo, kiel oni vidos malsupre. Sekve anstataŭ **patroj** ni diros **patri**, kaj la regulo estos : substantivoj en ununombro finiĝas per **o**, en multenombro per **i**.

§ 3. En la adjektivoj mi proponas la sekvantajn ŝanĝojn : a) Deklinacion ili ne havas, ĉar ĝi estas superflua balasto, kaj sufiĉas, se la deklinacio ekzistas ĉe la substantivoj. b) La adjektivoj kaj adverboj havas finiĝon egalan **e**, ĉar la diferencigado inter adjektivoj kaj adverboj estas por kelkaj popoloj tre malfacila. Sed ĉar la egaleco de adverboj kaj adjektivoj povus ofte doni malkompreniĝon (ekzemple : **patro bone kantas** povus signifi **bona patro kantas** kaj **patro kantas bone**), tial ni devas turni la atenton de la komencantoj, ke ili evitadu tiajn malkompreniĝojn per klara ligado de la vorto difinanta kun la vorto difinata kaj ne kun alia vorto (ekzemple : **bone patro kantas** = **bona patro, patro kantas bone** = **bone kantas**). Sekve ankaŭ tie ĉi, kiel ĉe la akuzativo, ni bezonas nur doni konsilon anstataŭ krei devigan regulon, kiu senbezone malliberigus la ordon de la vortoj en la frazo. c) Anstataŭ **pli** ĉe la gradoj de komparado ni uzos **plu** (ĉar la finiĝo **i** signifas substantivon multenombro) kaj anstataŭ **plej** ni uzos **maksu** (prenitan el **maxime**).

§ 4. En la nombrovortoj mi proponas la sekvantajn ŝanĝojn : a) anstataŭ **unu** ni uzos **un** (pli mallonge ; **unu** ekzistis, por ke ni povu formi **unu**j, sed kiam la multenombro havas **i**, ni povas diri **un, uni**; anstataŭ **naŭ** ni uzu **novu** (ĉar **ŭ** ne ekzistas). b) La nombroj ordaj, dank' al la ŝanĝo de la finiĝo adjektiva, havas ankaŭ la finiĝon **e**. c) La sufikson **op** mi proponas forigi, kiel superfluan (anstataŭ **duope** ni povas diri **en du** aŭ simple **du**).

§ 5. Por la pronomoj, kiuj ĝis nun havis ne regule finiĝon de verbo, la plej logikaj kaj regulaj formoj estus la sekvantaj : **mo, to, lo, lino, so, mi, ti, li, lini, si**; sed praktikaj provoj montris al mi ke tiuj ĉi formoj estus neoportunaj kaj estus malfacile alkitimiĝi, ekzemple, ke **ti** signifas kelkajn personojn, ke **le** signifas **lia** k. t. p. Tial mi proponas : a) Pronomoj



personaj : **mu** (= *mi*) (u signifas nun nenian gramatikan finiĝon), **tu** (= *vi, ei*), **lu** (= *li kaj ĝi*), **elu** (= *ŝi*), **su** (= *ŝi*), **nu** (= *ni*), **vu** (= *vi*), **loru** (= *ili*), por ambaŭ seksoj). *b*) La vortojn **ĝi** kaj **oni**, kiel oni vidas el la supra tabelo, mi proponas tute forigi, ĉar ili al multaj personoj prezentas malfacilaĵon. Tiel same kiel en la substantivoj, laŭ la forte enradikita kutimo de ĉiuj popoloj (kvankam kontraŭ la logiko), ni diras, ke **ino** signifas speciale virinan sekson, kaj **o** signifas aŭ viron aŭ estaĵon senseksan, tiel ni ankaŭ en la pronomoj diros : **elu** signifas speciale virinan sekson, kaj en ĉiuj aliaj okazoj oni uzu **lu**. Anstataŭ la vorto **oni** ni en okazo de bezono povas uzi, konforme al la senco, aŭ **homi** (= *homoj*) aŭ **iu** (en ĝia estonta reformita formo). *c*) La pronomoj posedaj laŭ reguloj de la adjektivo nun estos : **mue, tue, lue, elue, sue, nue, vue, lorue**.

§ 6. En la verbo mi proponas la sekvantajn ŝanĝojn : *a*) Anstataŭ la formoj kun **s**, kiuj estas tro akraj por nia lingvo (precipe post la anstataŭigo de **z** per **s** en multaj vortoj), mi proponas formojn kun **n** (pli regulaj estus formoj kun **t**, responde al la 3<sup>a</sup> persono de verbo en multaj lingvoj; ni ne povas tamen akcepti la **t**, ĉar ĝi malbonigus la harmonion en nia lingvo). Mi proponas : por la infinitivo **-a** (i estas okupita por substantivoj; **r**, kiu estus pli internacia, prezentus malbonsonaĵon); formo ordona **-an** (u devas resti libera por vortoj simplaj, kiuj ne povas havi ian gramatikan finiĝon kaj ne povas ankaŭ, pro bonsoneco, finiĝi per konsonanto); tempo estanta **-en**, tempo estinta **-in**, tempo estonta **-on**, formo kondiĉa **-un**. Sendube kelkaj legantoj faros la rimarkon, ke **an, en, in, on, un** jam ĉiuj estas okupitaj por vortoj aŭ sufiksoj; tamen tio ĉi nenion malhelpas, ĉar la okupiteco estas nur teoria kaj inter gramatikaj finiĝoj kaj memstaraj vortoj aŭ sufiksoj neniam povas naskiĝi ia konfuzo. En la vortaro ni diros, ke la finiĝo **in** (= **-in**) signifas tempon estintan de verbo, la sufikso **in** (= **-in-**) virinan sekson, la vorto **in** (= **in**) la nunan **en**. *b*) La ses participoj estas por si mem objekto tre logika kaj oportuna; sed nenia lingvo ilin havas, kaj al kelkaj popoloj, kiuj havas nur po unu participo aktiva kaj pasiva, la ses participoj prezentas eĉ tre grandan malklaraĵon kaj malfacilaĵon. Tial mi proponas : ni lasu nur po unu participo aktiva kaj pasiva (la provoj montris al mi, ke ni povas

P. 19.

tion ĉi fari) : participo aktiva havu la finiĝon **-ente**, participo pasiva **-ate**. Sed por forigi la mankojn, kiuj naskiĝus de la forigo de la kvar ceteraj participoj, ni donos en la vortaro du novajn vortojn : **pasate** (= *estinta*) kaj **future** (= *estonta*).

§ 7. **Adverboj** apartaj ĉesas ekzisti (rigardu Adjektivon § 3).

§ 8. Pri **prepozicioj** estos parolate en la vortaro, ĉar ili prezentas simplajn vortojn.

§§ 9 kaj 10 de la gramatiko restas senŝanĝe.

§ 11. **Vortojn kunmetitajn** mi proponas fari el plenaj vortoj, por eviti malbonsonecon kaj ofte ankaŭ nekompreneblecon; ekzemple : **vaporoŝipo** (ne **vaporŝipo**); entute mi proponas uzi vortojn kunmetitajn kiel eble plimalofte, ĉar ili ne bone respondas al la romana karaktero de nia lingvo kaj ofte estas nekompreneblaj por kelkaj popoloj.

§ 12. Restas senŝanĝe.

§ 13. **Por direkto** mi proponas uzi la vorton **versu** (= *en la direkto al...*), ĉar la akuzativo ne ekzistas kaj ĝi ankaŭ prezentis maloportunaĵon; ekzemple : *mi veturas versu Berlino*, *mi iras versu domo*.

§ 14. La prepozicion **je** mi proponas tute forigi, ĉar la komencantoj tre multe uzas ĝin kaj per tio ĉi ne sole malbeligas la lingvon, sed ankaŭ suferigas la klarecon; la pli kompetentaj esperantistoj en la lasta tempo ne senprave evitadis tiun ĉi vorton. Ĉiu povas facile ĝin anstataŭigi per aliaj pli difinitaj prepozicioj, kaj ne estos ankaŭ malfeliĉo, se unu diros ekzemple **ĝoji pro tio** kaj alia diros **ĝoji pri tio**.

§ 15 senŝanĝe.

§ 16. Senŝanĝe (forlasinte, kompreneble, la rimarkon pri la nun ne ekzistanta artikolo **la**); sed mi konsilus uzadi la apostrofadon nur en versoj.

### III. TABELO DE PRONOMOJ

La tabelo de interrilataj pronomoj kaj adverboj estis siatempe konstruita, por matematike faciligi ilian ellernadon. Ĉe la kreado de tia interrilata tabelo, kiu ekzistas en nenia lingvo, mi kompreneble devis elpensi la vortojn, kaj tio ĉi donis al diversaj

amikoj kaŭzon al senfinaj kritikoj kaj disputoj. Por forigi tiun ĉi objekton de konstanta disputado, mi proponas detrui la reciprokan aranĝon de la tabelo kaj rigardi la membrojn de la tabelo kiel simplajn vortojn sen reciproka interrilato. Ĉar la nombro de la nomitaj vortoj ne estas tre granda, tial ni povis tion ĉi kuraĝe fari, tiom pli, ke la negranda perdo de facileco estos rekompencita per pligrandiĝo de natureco. Sekve mi proponas ekzemple : **omnu, kom, sik, semper**, anstataŭ **ĉiu, kiel, tiel, ĉiam**, k. t. p. Tial mi ne bezonas nun paroli pri tiuj ĉi vortoj kaj mi donos ilin simple en la vortaro, kiel simplajn vortojn. P. 20.

#### IV. SUFIKSOJ KAJ PREFIKSOJ

Ĉar ankaŭ ili havas nenion kemunan kun la konstruo de la lingvo, sed prezentas apartajn vortojn, kiuj povas esti uzataj aŭ aparte aŭ en kunligo kun la radikoj de aliaj vortoj, tial mi ankaŭ pri ili parolos simple en la vortaro.

#### V. VORTARO

Nun mi transiras al la plej granda parto de mia analizo — al la vortaro. En tiu ĉi vasta parto la plej multe estas al mi necesa la helpo de la amikoj, kaj tial mi petas ĉiun, kiu deziras partopreni en la reformado de la vortaro, ke li volu fari la jenon : Li prenenu la *Mezan vortaron* (verko N-ro 21 aŭ 64), elskribu laŭ alfabeto ordo la vortojn Esperantajn kaj apud ĉiu vorto li skribu la novan formon, kiun li konsilas doni al tiu ĉi vorto, aŭ la signon —, se li konsilas lasi la vorton sen ŝanĝo. La tiamaniere skribitan vortaron li volu sendi al mi (parto post parto), por ke mi povu, publikigante mian reformitan vortaron, komparadi ĝin kun la vortaroj alsenditaj kaj elprenadi el tiuj ĉi lastaj ĉion bonan, kion mi trovos en ili, kaj por ke mi en okazo de dubo povu vidi, kia formo por tiu aŭ alia vorto estas la plej multe aprokata. En n-ro 4 de mia gazeto mi analizos la vortaron de A ĝis H, en n-ro 5 de H ĝis O, en n-ro 6 de O ĝis la fino. En n-ro 3 mi faros paŭzon, por ke la amikoj havu tempon pripensi, ellabori kaj alsendi al mi la unuan parton de la vortaro, antaŭ ol mi komencos la analizadon.



Tie ĉi mi diros kelkajn vortojn pri la principoj, kiujn mi laŭ mia persona sperto kaj laŭ la plimulto da ricevitaĵoj opinioj rekomendus al la amikoj en la nuna verkado de la vortaro : 1) La vortoj devas esti kiom eble pli internaciaj, konataj en la mondo. 2) Ili tamen ne devas esti malbonsonaj, sed ili estu harmonie konformaj al la komuna spirito de nia lingvo. 3) Por ke la karaktero de la tuta lingvo estu pli unuforma kaj ne simila al ia neharmonia miksaĵo, mi proponus (dank' al la romana fundamento de nia lingvo) evitadi vortojn germanajn aŭ slavajn kaj preni, kiom ĝi estos ebla, nur el lingvoj romanaj (latina (la plej bone), itala, hispana, k. t. p.). 4) Peni, ke la skribado de la vorto estu kiom eble plej proksima al ĝia skribado en aliaj lingvoj, kvankam ĝia elparolado eble estos iom alia. Ekzemple : ni uzos **centro** (legu **ŝentro**) kaj ne **zentro**, **stono** (se ni lasus tiun ĉi vorton) kaj ne **ctono** (kiel ŝajne postulas nia nova alfabeto). Kompreneble ne ĉiam ni devas tion ĉi fari; ekzemple : anstataŭ **quale** ni devas skribi **kvale**, anstataŭ **natio**, kiu estus malagrabila kaj kontraŭkutima al ĉiuj popoloj, ni uzos laŭ itala maniero **nazio** aŭ **nazione**, anstataŭ **caractero** — **karaktero**, ĉar la elparolado **ŝaraŝtero** estus por ĉiuj nacioj tro fremda. 5) Kiom ni povas, ni devas peni, ke la vortoj simplaj ne donu ian konfuzon kun vortoj kunmetitaj (kiel ekzemple la ĝisnuna vorto **defendi** povus signifi **de-fendi**); sed ĉar tro pena evitado de tiaj aperoj estas neebla (alie ni devus multajn vortojn tute arbitre elpensi), tial mi pensas, ke en okazoj, kie ni ne bezonas timi malkompreniĝon, ni povas tiajn vortojn lasi, ekzemple anstataŭ **mateno** ni povas kuraĝe lasi la originalan vorton **matino** k. t. p. ne timante ke ĝi akceptos ĝin por virina sekso de la vorto **mato**.

P. 21.

Mi esprimis la principojn, kiuj estus rekomendindaj laŭ mia nuna persona opinio; sed se tiu aŭ alia amiko aprobas aliajn principojn, tiam mi petas lin, ke li en la verkado de la vortaro libere sekvu sian opinion; ĉar nur tiam la alsendotaj vortaroj prezentos al mi helpon, se ili prezentos la memstarajn opiniojn de diversaj personoj (supozante, kompreneble, ke la amiko sendos al mi sian laboron kiel konsilon kaj ne kiel paralizigan postulon).

Al la personoj, kiuj sendos al mi supramanière verkitajn vortarojn, mi estos tre danka. Se en mia supre proponita

gramatiko iu trovos erarojn aŭ maloportunaĵojn, mi petas lin montri ilin al mi.

Por ekzemplo de la nova dialekto mi donas tie ĉi la preĝon « **Patro nia** » en la nova dialekto; en tiu ĉi peco la gramatiko estas jam reformita, kvankam la vortoj estas ankoraŭ provizoraj kaj eble ankoraŭ estos ŝanĝitaj ĉe la analizado de la vortaro :

Patro nue, kvu esten in cielo, sankte estan tue nomo, venan regito tue, estan volo tue, kom in cielo, sik anku sur tero. Pano nue omnedie donan al nu hodiŭ e pardonan al nu debi nue, kom nu anku pardonon al nue debenti; ne kondukan nu in tento, sed liberigan nu de malbono.

L. ZAMENHOF.



## LA DEMANDO PRI LA REFORMOJ

(TRIA ARTIKOLO, MARTO 1894, n° 3 [31], p. 36-39.)

P. 36. Kiel mi jam diris en la pasinta numero de nia gazeto, mi faras en la nuna numero paŭzon kun mia artikolo « **Pri reformoj en Esperanto** », por doni al la legantoj la eblon preparigi al kunlaborado por la vortaro. En la sekvanta numero mi rekomencos la presadon de la artikolo, kaj dume mi uzos la okazon de la paŭzo, por diri kelkajn vortojn pri la maniero, en kiu mi uzis por mia projekto la diversajn proponojn kaj opiniojn, kiujn mi ricevis aŭ legis en la daŭro de 6 jaroj.

Multaj amikoj, ne trovante en mia projekto postesignojn de iliaj proponoj, diros kredeble, ke mia projekto estas ne plena kaj ke mi forgesis enpreni en la projekton multon el la bonoj, kiujn oni proponis al mi. Tial mi antaŭ ĉio rimarkas, ke mi ĉiujn ricevitaĵajn proponojn kaj opiniojn ne sole tralegis, sed ankaŭ bone pripensis kaj en okazo de bezono elprovis. Sed la plej grandan parton mi ne enprenis simple el la kaŭzo, ke mi trovis en ili ne plibonigon, sed malplibonigon de nia lingvo aŭ malutilon por la progresado de nia afero. Se la aŭtoro de tiu aŭ alia propono pensas, ke mi eraris, li povas nun en sia propra nomo publikigi sian proponon. Priparoli kritike ĉiujn tiujn ĉi proponojn mi ne povis, ĉar tio ĉi estus laboro senfina kaj tute ne interesa por la legantoj de nia gazeto. El ĉiuj ricevitaĵaj proponoj nur kompare tre malgranda parto montriĝis kiel bona (almenaŭ en miaj okuloj); sed ankaŭ el tiu ĉi lasta kategorio da proponoj mi post longaj pripensoj povis akcepti nur parton. — la reston mi devis forlasi sen uzo, ĉar, kvankam per si mem mi ilin aprobis, mi tamen vidis, ke en la nunaj cirkonstancoj ilia akceptado ne estus utila.

Analizi ĉiujn faritajn proponojn estus, kiel mi diris, laboro superflua kaj senfina; tamen kelkajn el ili mi tie ĉi analizos, pro ekzemplo, por montri al la legantoj, ke, se mi ian proponon ne akceptis, tio ĉi ne montras, ke mi ĝin ne pripensis. Mi anali-

zos kompreneble nur tiajn proponojn, kiujn mi per si mem aprobas, kvankam akcepti ilin mi ne povis.

*Ekzemplo 1.* Oni proponis, ke la substantivoj de virina sekso havu la finiĝon **a** anstataŭ la sufikso **in(o)** (ekzemple : **patra** anstataŭ **patrino**; | la adjektivo devus tiam kompreneble anstataŭigi sian **a** per alia litero). La virina **a** ekzistas en kelkaj lingvoj kaj estus efektive pli oportuna ol **ino**, dank' al sia pli granda naturreco kaj mallongeco. Sed ricevinte tiun ĉi proponon, mi rememoris, ke la **a** por virina sekso venis al mi en la kapon ankoraŭ en la komenco de mia kreado de la lingvo kaj ke mi tiam pro kelkaj praktikaj kaŭzoj ĝin forĵetis. Malgraŭ tio mi en la lasta tempo denove kliniĝis al la flanko de tiu ĉi **a** kaj jam decidis akcepti ĝin en mian projekton. Tio ĉi tamen en la praktiko ne estis tiel facila, kiel ĝi sendube montriĝas al ĉiu en la teorio : la ŝajne tiel simpla **a** montriĝis nekonforma al la konstruo de nia lingvo; kiel finiĝo la **a** virina ne povis esti uzata, ĉar tiam ĝi perdigadus en la vortfarado kaj ni ne sciis ekzemple ĉu **frate** estas la adjektivo de **frato** aŭ de **frata** (*fratino*), ĉu **virigi** signifas **fariĝi viro** aŭ **fariĝi vira** (*virino*), k. t. p. Mi devis sekve aŭ ŝanĝi la konstruajn principojn de nia lingvo, aŭ diri, ke **a** estas ne defalebla finiĝo sed nedefalebla sufikso, kiu diferencas de la aliaj sufiksoj per tio, ke ĝi ne akceptas post si la substantivan finiĝon **o** (Ekzemple : **fratae**, **viraiĝi**, k. t. p.) El la du alternativoj mi elektis la lastan, kiel malpli riskan. La **a** virina sekve jam enportis en la lingvon ion fremdan, escepton el la reguloj; mi tamen decide ĝin akceptis en la projekton, pensante, ke la lernantoj ne trovos en ĝi ian malfacilaĵon. Sed ju pli mi daŭrigadis la praktikajn provojn, des pli mi konvinkiĝadis, ke la **a** virina prezentas ĉiam ian dissonancon en nia lingvo, kaj tiel mi en la fino decidis ne akcepti ĝin, sed resti ĉe la malnova **ino**, kiu estas jam elprovita kaj bona. La legantoj sekve vidas, ke, kvankam mi pri la **a** virina ne parolis en mia projekto eĉ unu vorton, tio ĉi tamen tute ne montras, ke mi ĝin ne pripensis aŭ ne elprovis. (Se ju el la amikoj trovos ian rimedon por oportuna enkonduko de la **a** virina, tiam mi eble reakceptos ĝin ankoraŭ en la fino de mia analiza laboro.)

P. 37.

*Ekzemplo 2.* Kelkaj amikoj proponis, ke ni enkonduku apartan sufikson por substantivoj speciale viraj, tiel same, kiel ni havas sufikson por substantivoj speciale virinaj. (Precipe

konvinke tion ĉi proponis S-ro Lojko en lia lasta vizito ĉe mi en Grodno.) Pripensinte tiun ĉi proponon, mi trovis ke ĝi estas ne sole tre logika sed ankaŭ tre oportuna. **Fratiro** ekzemple signifus tiam speciale fraton kaj **fratino** — speciale fratinon, dum **frato** signifus simple infanon de tiuj samaj gepatroj (= aŭ frato, aŭ fratino); **frati** signifus sekve **gefratoj** kaj la prefikso **ge** povus esti forĵetita. Parolante ekzemple pri bovoj, ni povus ĉiam klare esprimi, ĉu ni parolas pri bovoj sen diferenco de la sekso aŭ pri bovinoj aŭ pri bovo-viroj (ne bezonante uzadi la aldonatan vorton **viro**). Kelkajn tagojn post la forveturo de S-ro Lojko mi jam decidis akcepti la viran sufikson en mian projekton. Sed post plua pripensado detenis min de tiu ĉi paŝo la sekvanta konsiderado: nia lingvo devas antaŭ ĉio esti plej facila por ĉiuj nacioj kaj, kiom ĝi nur estas ebla, enhavi en si nenion, kiu estus kontraŭ la kutimo de la nacioj kaj prezentus por ili malfacilaĵon aŭ fremdaĵon; vira sufikso prezentus, almenaŭ en la komenco (plej grava tempo!) kelkan maloportunaĵon kaj fonton de eraroj; malesto de vira sufikso, kiel montris la ĝisnuna praktiko, ne prezentas maloportunaĵon; sekve rezultato: en nia pure praktika afero la neoportuna teoria logiko devas cedi al la pli oportuna praktika kutimo de la popoloj — kaj la vira sufikso ne devas ekzisti.

- P. 38. *Ekzemplo 3.* Serĉante erarojn en nia lingvo, unu volapŭkisto | antaŭ 4-5 jaroj rimarkis en sia kritiko, ke, dank' al la neakcentitaj finiĝoj de la verbo nia lingvo en la elparolado ne permesas al la orelo klare diferencigi la tempojn (*fāras, fāris, fāvōs, fārus*). Per si mem la rimarko estas erara (kiel sendube konvinkigis ĉiuj parolantoj la lingvon Esperanto); tamen, por eviti tian ŝajnan neoportunecon, mi volis proponi en mia projekto la sekvantan ŝanĝon: la verbaj formoj finiĝu per akcentitaj vokaloj (*á, é, í, ó, ú*). En la vortaro ni tiam dirus: **o** signifas substantivon, — **ó** signifas tempon estontan de verbo. Maloportunaĵon tiu ĉi ŝanĝo ne prezentus, ĉar akcentitaj vokaloj ekzistas en ĉiuj presejoj de la mondo (tiom pli, ke estus ja tute egalé, ĉu la presejo uzus *o* aŭ *ó* aŭ *o* k. t. p.) dume oportunaĵojn la dirita ŝanĝo prezentus grandajn: 1) la formoj de la verbo estus tre klare diferencigeblaj eĉ por orelo tute ne alkutimita; 2) la formoj de la verbo, renkontataj en la parolado sur ĉiu paŝo, perdus la finiĝon konsonantan kaj tiel preskaŭ ĉiuj vortoj en



nia lingvo havus finiĝon per vokalo, kio altigus la bonsonecon de la lingvo; 3) ricevinte certan nombron da vortoj kun akcento en la fino, la lingvo, sen malfaciliĝo de la lernado, ricevus kelkan diversecon en la akcentado, kiu levus ankoraŭ ĝian bonsonecon; 4) por la versofarantoj la granda nombro da vortoj kun akcentita finiĝo estus tre agrabla gajno. — Dank' al la 4 diritaj oportunaĵoj, kiuj povus esti akiritaj per unu tre simpla reguleto, la akcentitaj formoj havis por mi jam de longa tempo grandan allogon kaj mi decidis akcepti ilin en la projekton. Sed pripensinte la aferon pli objekte, mi devis konfesi, ke la akcentoj sur literoj por multaj personoj prezentos ion fremdan en nia lingvo, objekton de disputado kaj nekontenteco; al la komencantoj (*tiuj ĉi personoj estas por ni la plej gravaj*) la akcentoj per la unua rigardo prezentos ion komplikitan, la lingvo tiam ŝajnos al ili ne tiel simpla, kiel ni dezirus. Mi akceptis la formojn, elĵetis ilin, denove akceptis, provis anstataŭigi ilin per aliaj formoj, kiuj en la esenco donus tion saman, ne fortimigante tamen la unuan rigardon (ekzemple *h* post vokalo devus signifi, ke la vokalo estas akcentita... k. t. p.), kaj post multaj provoj kaj reprovoj mi fine devis forĵeti la akcentitajn formojn, kvankam mi persone forte ilin aprobas.

*Ekzemplo 4.* Por pliriĉigi la lingvon, kelkaj amikoj proponis diversajn novajn sufiksojn kaj prefiksojn, el kiuj kelkaj estis laŭ mia opinio tre bonaj; mi tamen ne povis ilin akcepti, ĉar mi gvidis min per la sekvanta principo: lingvo, kies unua kaj plej grava celo estas fariĝi tutmonda, devas antaŭ ĉio esti la plej simpla kaj plej facila por ĉiuj; tial ĉiujn novajn regulojn, sen kiuj la lingvo povas tre bone ekzisti kaj kies akcepto ion plimalfaciligus la lernadon de la lingvo, ni ne devas akcepti, kvankam ili per si mem eĉ estus tre belaj.

Ĉu miaj klarigoj pri la montritaj proponoj konvinkis la legantojn pri ilia neakceptindeco — mi ne scias, ĉar tiel same, kiel mi ilin teorie aprobis kaj post provoj kaj reprovoj malakceptis, tiel same ankaŭ la legantoj povus juĝi pri ili nur post multaj provoj. Al tio ĉi oni ne forgesu, ke el la grandega amaso da proponoj mi elektis por ekzemplo nur la plej bonajn, pri kiuj mi mem ankoraŭ ne estas certa, ĉu en la fino de mia analiza laboro, post pluaj provoj, mi ilin ne reakceptos. Mi ne parolis pri ili por batali kontraŭ ili — mia celo estis nur montri

per kelkaj ekzemploj, ke se tiun aŭ alian eĉ bonan proponon mi ne akceptis en mian projekton, tio ĉi tute ne montras, ke mi la proponojn ne pripensis kaj ne elprovis.

P. 39. Al kelkaj novaj legantoj kiuj ne konas la historion de naskiĝo de nia Ligo, eble ŝajnos stranga, ke ni presas iafaje proponojn pri reformoj en la parto de anoncoj anstataŭ en la teksto de nia gazeto. Ni ripetos tial mallonge la kaŭzon de tiu ĉi apero. Artikoloj pri reformoj (pro kaj kontraŭ) kaj kun diversaj reformaj proponoj venas al ni en tia granda amaso, ke ni en nia malgranda gazeto ne povas presi eĉ centan parton de ili. La redaktoro de nia gazeto tial estis devigita elekti el ĉiuj proponoj tion, kio ŝajnas al li la plej bona, kaj prezenti tion ĉi en formo de sistema projekto de reformoj; ĉio cetera devis resti neakceptita; se iu el la aŭtoroj de neakceptitaj proponoj volas prezenti sian opinion al la Esperantistoj, li havas plenan rajton tion ĉi fari, sed tiam li devas mem presi sian artikolon per siaj propraj rimedoj kaj dissendi ĝin al la Liganoj. Ĉu li faros tion ĉi per aparta presado kaj dissendado aŭ per pagataj anoncoj en nia gazeto, por kiuj la redakcio ne havas respondecon — tio ĉi jam dependas de la volo de la proponanto.

Mia nuna artikolo estis jam finita, kiam mi ricevis de sinjoro kapitano Forkarth el Josefstadt, Bohemujo, leteron, en kiu li proponas, ke mi post la fino de mia reforma projekto proponu al la Ligo ne tri, sed kvar demandojn; la kvara demando estus: ĉu la Esperantistoj deziras akcepti en principo mian projekton de reformoj, sed fari kelkajn ŝanĝojn en ĝiaj apartaj detaloj? En efektivo la propono de S-ro Forkarth jam sin trovas en la 3<sup>a</sup> de miaj proponotaj demandoj (**ĉu ni devas fari aliajn reformojn en la lingvo?**); la vortoj **aliaj reformoj** ne signifas ja, ke la reformoj devas esti tute aliaj, de la komenco ĝis la fino: ili povas ankaŭ diferenci de miaj reformoj nur en kelkaj detaloj. Tamen povas esti, ke la personoj, kiuj dezirus akcepti mian tutan projekton, sed volus fari en ĝi nur ian malgrandan ŝanĝon, eble ĝenos sin voĉi por la 3<sup>a</sup> punkto; tial mi efektive intencas proponi siatempo ankoraŭ kvaran demandon, konsilitan de S-ro Forkarth. La personojn, kiuj voĉos por la kvara punkto, mi petos, ke ili satempo kun alsendo de sia voĉo publikigu ankaŭ por voĉdonado de la Ligo la ŝanĝon, kiun ili proponas fari.

En la fino mi diros kelkajn vortojn ankoraŭ pri unu propono,



kiun mi ricevis en la lastaj tagoj. S-ro instruisto Kürschner el Zürich, Svisujo, proponas, ke ni tute ne uzadu en nia lingvo grandajn literojn (ekzemple en la komenco de frazoj, en propraj nomoj, k. t. p.). Tiu ĉi propono estas laŭ mia opinio tre prudenta, kaj mi ĝin aprobas el la tuta koro, ĉar efektive la uzado de du specoj de literoj estas tute superflua kaj sensenca. Sed ĉar tio estas demando ne sole de nia lingvo, sed entute de ĉiuj lingvoj, kaj kun la konstruo de nia lingvo ĝi havas nenion komunan, tial mi pensas ke ni devas lasi tiun ĉi demandon por tempo estonta, kaj nun ni devas eviti ĉian superfluan bataladon kontraŭ la kutimoj de la popoloj, por ne malfaciligi senbezone la bataladon por nia lingvo. Cetere, mi ne diras ankoraŭ mian lastan opinion pri tiu ĉi propono; povas esti, ke post plua pripenso mi akceptos ĝin ankoraŭ en mian projekton en la fino de mia laboro.

L. ZAMENHOF.

## PRI LA « J »

(KVARA ARTIKOLO, MARTO 1894; sama numero).

P. 40.

El la opinioj, kiujn mi ricevis ĝis nun pri mia nova alfabeto, preskaŭ ĉiuj senescepte enhavas absolutan kaj plenan aprobon. Nur pri unu litero mi ricevis de diversaj flankoj demandojn, kiujn mi nun volas | respondi. Oni demandas min, kial mi eljetis la literon **J** kaj kiel mi ĝin anstataŭigos en tiaj vortoj, kiel ekzemple : **adjektivo, projekto, jam, k. t. p.** La demando estas grava, tiom pli ke la litero **j** estas punkto, pri kiu mi ankoraŭ mem dubas kaj pri kiu mi dezirus konsiliĝi kun niaj amikoj. Tial mi rapidas respondi la demandon, antaŭ ol mi alpaŝas al la publikigado de la vortaro.

Unu el la ĉefaj principoj de mia reformita alfabeto estis : eviti literojn kaj sonojn, kiuj sen buŝa instruado prezentus malklaraĵon al ia el la plej gravaj popoloj aŭ postulus tro komplikitajn klarigojn en la lernolibroj difinitaj por tiu ĉi popolo. La **j** apartenas al tiaj literoj : al unu tre grava popolo (*Francoj*) estas iom malfacile tute precize klarigi (sen buŝa instruado kaj sen komplikitaj ekzemploj) la elparoladon de tiu ĉi litero; ankaŭ al dua tre grava popolo (*Rusoj*) la preciza klarigado de la **j** povas esti farata ne per simpla litero, sed nur per ekzemploj, ĉar la rusoj havas literojn por la grupoj **ja, je, ju, jo** sed ne havas apartan literon por la sono **j** antaŭ vokalo. Du cirkonstancoj tre gravaj, por ke ni la **j** eljetu el la lingvo kiu deziras fariĝi tutmonda sen subteno de potenculoj <sup>1</sup>.

Kiel helpi al si sen la litero **j**? Tiel same, kiel sen la aliaj eljetotaj literoj, t. e. : aŭ eljeti la literon (ekzemple : **sinoro**,

<sup>1</sup> Strange estas, ke la malfeliĉa **j** prezentas ofte malfacilaĵon eĉ al tiaj popoloj, kiuj havas en sia lingvo la literon kaj sonon **j** tute similan al la nia! Ekzemple la germanoj! Unu germana klubo esperantista demandis min antaŭ kelkaj jaroj, kiel oni devas elparoli la **j**; en unu germana lernolibro de nia lingvo estas dirite, ke **j** estas vokalo kaj **krajono** estas kvarsilaba, en alia ankaŭ lernolibro estas instruate, ke **krei** = **krej**!!

**proekto**, **Mao** anstataŭ **sinjoro**, **projekto**. **Majo** aŭ anstataŭigi ĝin per la parenca litero (sekve ankaŭ sono!) **i** (ekzemple : **adiectivo**, **Januaro**, **Iulio**, anstataŭ **adjektivo**, **Januaro**, **Julio**) aŭ fine per aliĝo de la vortoj (ekzemple : **maestro**, **maksu**, **si**, **anuo**, anstataŭ **majstro**, **plej**, **jes**, **jaro**).

Tia estas mia nuna opinio, kiu igis min eljeti la **j** el la alfabeto. Tamen se pluaj provoj, farotaj de mi kaj de aliaj amikoj, montros ke la malutilo de la neekzistado de **j** estas pli granda ol la utilo de ĝia eljetado, tiam mi reakceptos la literon en mian proponotan alfabeton en la fino de mia projekto. Pri la **j**, tiel same kiel pri ĉiu alia punkto de mia projekto, mi ne diras ankoraŭ mian lastan opinion, ĝis mi ricevos sufiĉan nombron da motivitaj opinioj de niaj amikoj. Por ke mi povu poste prezenti al voĉdonado de la Ligo projekton pli-malpli perfektan kaj per tio faciligi la voĉdonadon kaj la elekton de la fina formo de nia lingvo, mi petas ripete, ke la amikoj volu sendi al mi kiom eble pli motive siajn opiniojn pri la diversaj punktoj de mia projekto antaŭ kaj ekster la oficiala voĉdonado, kiun mi petos siatempe.

L. ZAMENHOF.

## NI PREPARIĜU !!

(KVINA ARTIKOLO, MARTO 1894; sama numero).

P. 41. Post tri monatoj mia analiza laboro pri reformoj en Esperanto estos finita, kaj tiam, farinte en ĝi kelkajn modifikaciojn, kiuj eble ĝis tiu tempo montriĝos utilaj, mi proponos ĝin al la voĉdonado de la Esperantistoj. Se la plimulto ne decidos, ke ni devas lasi la lingvon netuŝite en ĝia ĝisnuna formo, tiam oni aŭ akceptos mian projekton, aŭ oni faros | en ĝi diversajn ŝanĝojn; en ambaŭ okazoj ni baldaŭ trovos nin antaŭ la neceso krei novan sisteman literaturon anstataŭ la malnova, kaj al tio ĉi ni devas esti frutempe pretigitaj!!

Ĉe la malrapida alportado de helpo de la flanko de niaj amikoj, ni devas komenci la preparigadon tre frue, por ke ni ĝis la decida momento estu jam tute pretaj, ĉar alie ni tiam eble longe devos stari senmove: la malnova estos kondamnita, kaj la novan ni ne povos komenci. Por ke ni en la responda momento estu jam tute pretaj kaj ne devu halti (kio efikus tre senkuraĝige sur multajn amikojn de nia afero), mi jam nun komencas preparajn paŝojn por la ekkreado de sistema literaturo kiam venos la tempo, kaj pro energia helpo en tiu ĉi preparigado mi nun alvokas ĉiujn amikojn de la lingvo Esperanto. Mi petas ilin forĵeti sian dormadon, sian paralizigan « oni faros sen mi »; mi petas, ke ĉiu alportu sian briketon al nia konstruo. El gutoj fariĝas maro; sed se ĉiu konservas sian guton en sia poŝo, dirante « la maro fariĝos aŭ ne fariĝos ankaŭ sen mia guto, » — tiam nenion estos eble fari. Jam tiom multe da fojoj mi vane alvokadis la helpon de niaj amikoj! mi esperas, ke almenaŭ nun mia voko ne restos senfrukta.

Kiam la fina formo de la lingvo Esperanto estos teorie decidita, tiam mi intencas komenci la eldonadon de sistema « Biblioteko de la lingvo Esperanto ». La « Biblioteko » konsistos el apartaj broŝuroj kaj libroj, kaj enhavos: mallongajn lernolibrojn en diversaj lingvoj (pli vastaj lernolibroj estos eldonataj



ekster la « Biblioteko », riĉan krestomation da plej diversaj ekzercoj en la nova (fina) formo de nia lingvo, plenan vortaron kun traduko en 5 plej gravaj lingvoj, diversajn verkojn en la nova dialekto, originalajn kaj tradukitajn, prozajn kaj versajn, beletristikajn kaj sciencajn, k. t. p. La « Biblioteko », elirados en la nombro de ĉirkaŭ 30 presitaj folioj en jaro, kaj ĉiu folio (16 paĝoj) kostos po 25 centimoj (= 10 kopekoj = 20 pfenigoj). La sistemo de elirado de la folioj estos pli-malpli tia, ke en ĉiu monato eliros 2 folioj da lernolibroj aŭ vortaroj en diversaj lingvoj kaj du folioj da literaturo.

Por ke la « tempo de elprovado » de la nova dialekto (tempo inter la teoria akcepto kaj praktika enkonduko) ne daŭru tro longe kaj por ke la elprovado ne estu tro neplena kaj nesufiĉa, ni ekster la « Esperantisto » faros vastajn provojn ankaŭ en la « Biblioteko », kaj por tiu ĉi celo la « Biblioteko » komencos eliradi tuj post la teoria akcepto de la fina dialekto kaj la unuaj 15 folioj prezentos provan krestomation, kiu enhavos en si riĉan kolekton da plej diversakarakteraj pecoj kaj artikoloj en la nova dialekto. Kiam la matura kaj ĉiufanka elprovado finiĝos kaj la eble trovotaj maloportunaĵoj en la dialekto estos forigitaj, tiam (de la 16<sup>a</sup> folio) la « Biblioteko » komencos jam enhavadi nur verkojn konstantajn en dialekto jam neniam ŝanĝebla.

Por ke mi povu fari frutempe ĉiujn preparojn al la multeklopoda kaj multekosta eldonado de la « Biblioteko », mi insiste petas ĉiun amikon de nia afero, ke li volu sciigi min kiel eble pli frue, ĉu li abonos la « Bibliotekon » kaj en kia nombro da ekzempleroj. Por ebligi la entreprenon, ĉiu amiko estas petata kolekti ankaŭ abonojn por la « Biblioteko » inter siaj amikoj kaj konatoj. Aboni, t. e. finance subteni la entreprenon, povas ja ankaŭ tiaj personoj, kiuj lerni aŭ labori ne volas. Por ke la « Bibliotekon » povu aboni ankaŭ personoj, kiuj ĝis nun ne konas Esperanton nek la historion de la reformoj en ĝi, la unuaj 3 folioj de la « Biblioteko » enhavos la gramatikon kaj mallongan | vortaron de la reformita Esperanto en 6 plej gravaj lingvoj. La nomoj de la abonantoj estos presataj en apartaj aldonoj al la « Biblioteko ».

Antaŭpagon mi ne postulas; ĉiu, kiu volas aboni, estas petata nur alsendi al mi (L. Zamenhof, Grodno, Rusujo) la sekvantan latereton : « Mi deziras ricevi po ... ekzempleroj de la « Biblio-



teko de la lingvo Esperanto »; pagon por la ricevotaj folioj (po 25 centimoj por presita folio) mi promesas sendadi al vi post la ricevo de ĉiu deka folio. Subskribo :..... Adreso :..... »

Amikoj ne dormu kaj ne prokrastu! La entrepreno estos ne ebla, se ĉiuj preparaj paŝoj ne estos frutempe finitaj, kaj la eldonado povos komenciĝi nur tiam, kiam la « Biblioteko » havos 600 abonantojn (mendantojn). Mi ripete kaj insiste petas ĉiun amikon de nia afero, ke li energie kaj kion eble pli frue helpu al mi efektivigi la entreprenon, kiu fortikigos la tutan estontecon de nia afero kaj, donante al ĝi la eblon regule kaj senhalte kreskadi, liberigos ĝin fine por eterne de ĉiaj mortigaj disputoj kaj ŝanceliĝoj. La nomoj de la mendantoj kune kun la nombro de mendataj ekzempleroj estos publikigataj en la « Esperantisto » tiel same, kiel ĝi estis farata kun la mendoj por la siatempe intencita « Granda vortaro » en la pasinta jaro. Mi esperas, ke nenia vera esperantisto malestos aŭ tro malfruiĝos en tiuj ĉi nomaroj.

L. ZANENHOF.

## PRI REFORMOJ EN ESPERANTO

(Daŭrigo.)

(SESA ARTIKOLO, n° 4, aprilo 1894, p. 49-52, kaj n° 5-6, majo 1894, p. 67-72).

Malsupre mi komencas la publikigadon de la vortaro de mia proponota dialekto. Per simplaj literoj estas presitaj la vortoj, kiuj restas sensange kiel antaŭe; per literoj grasaj estas presitaj la vortoj reformitaj, kaj apud ĉiu tia vorto staras en krampoj la vorto malnova, al kiu ĝi respondas. La literojn **j kaj h** mi, laŭ la konsilo de la plimulto de amikoj, decidis lasi en mia proponota alfabeto, kaj tial oni ilin nun trovos ankaŭ en la vortaro (la **j** nur antaŭ vokalo). Mi turnas la atenton de la legantoj, ke la vorto devas esti legataj konforme al la nova alfabeto; tiel ekzemple la vorto **acid** restas sensange kiel antaŭe, sed laŭ la nova alfabeto ĝi devas esti legata **aŝid**.

### VORTARO :

-e- (= ĝisnuna -a kaj -e), **abat**, **ap** (= *abel*), **abiet** (= *abi*), **abomin** (= *abomen*), **abon**, *ablativ*, **abrikot**, **absces**, **absint**, **acer**, **kompr** (= *aĉet*), **acid**, -**ad**, **adiu** (= *aliaŭ*), *adjektiv*, *administr*, *admir*, *admon*, **ador**, **adulter** (= *adult*), *adverb*, **aer**, **aer-a** (= *aer-um-i*), **afabl**, **afekt**, **afer**, **ag**, **etad** (= *aĝ*), **agac**, *agl*, **akord** (= *agord*), **agrabl**, -**e**- (= *af*); ekzemple: **boneo** = *bonaĵo*, **ail** (= *ajl*), **kunku** (= *ajn*), **akar**, **akcel** (= *akcel*), **akcent**, **akcept**, **akcipitr**, **akir**, **akn**, **akompan**, **akut** (= *akr*), **akrid**, **aks**, **obstetr** (*akus*), **akusativ** (= *akuzativ*), **akv**, **al**, **alavd** (= *aluŭd*), **alcion**, **ali**, **alk**, **almenu** (= *almenaŭ*), **almos** (= *almoz*), **aln**, **alt**, **altar**, **alte**, **altern**, **alud**, **alument**, **alun**, **am**, **amas**, **ambi** (= *ambau*), **inkud** (= *ambos*), **amid** (= *amel*), **amfi**, **amibi**, **amik**, **kortes** (= *amindum*), **amoniak**, **ampleks**, **amus** (= *amuz*), -**an**-, **ananas**, **anatr** (= *anas*), **angel** (= *anĝel*), **angil**, **angul**, **anim**, **anis**, **anku** (= *ankaŭ*), **ankoru** (= *ankoraŭ*).

1. *Kursivaj* en tiu ĉi represio.

*an*kr, *an*onz (= *an*onc), *an*ser, *in*loku (= *an*stataŭ), -*ent*- (= -*ant*),  
*an*tu (= *an*taŭ), *an*tikv, *an*timon, *Anunziazi* (= *an*unciaci), *ap*art,  
*ap*arten. *ap*enu (= *ap*enaŭ), *ap*er, *ap*lod (= *ap*laŭd), *ap*og, *ap*r,  
*ap*ril, *ap*rob, *ap*ud, -*ar*-, *ar*akn (= *ar*ane), *ar*ang (= *ar*ang), *ar*b,  
*ar*bitr, *ar*ket (= *ar*ĉ), *her*on (= *ar*de), *ar*des (= *ar*dez), *ar*en, *ar*est,  
*ar*gent (= *ar*ĝent), *ar*gil, *ar*gument, *ar*kitektur (= *ar*hitektur), *ar*k,  
*ar*leken, *ar*m, *ar*ogant, *ar*senik, *ar*t, *ar*tifk, *j*unktur (= *ar*tik),  
*ar*tikl (= *ar*tikol), *ar*ticok (= *ar*tiŝok), -*en* (= -*as*), *as*, *as*ekur, *as*ign,  
*as*parag, *as*pid, -*at*-, *at*ak, *at*entad (= *at*enc), *at*end, *at*ent, *at*est,  
*at*ing, *at*ripl, *at*ut, *u* (= *aŭ*), *ent*end (= *aŭ*d), *Avgust* (= *aŭ*gust),  
*ask*ult (= *aŭ*skult), *at*un (= *aŭ*tun), *av*, *av*ar, *av*el, *av*en, *av*entur,  
*av*ert, *av*id, *av*is (= *av*iz), *as*en (= *as*en), *az*ot.

*b*abil, *b*agatel, *b*ajonet, *in*form (= *b*ak), *balaj-a* (= *balaj-i*),  
*balanz* (= *balanc*), *bal*but, *bal*dakin (= *bal*daken), *pre*stu (= *bal*daŭ),  
*bal*en, *bal*ustrad, *bamb*u, *bagn* (= *ban*), *bund*, *nod* (= *bant*),  
*bapt*, *bar*, *sping* (= *barakt*), *barb*, *barbier* (= *barbir*), *barc*  
(= *barĉ*), *bar*el, *bar*k, *bar*k, *bast*, *bastion*, *baston*, *bat*, *batat*, *bazar*,  
*bed*, *regret* (= *bedaŭr*), *bek*, *bel*, *beladon*, *benedik* (= *ben*), *benk*,  
*bak* (= *ber*), *animal* (= *best*), *bet*, *betl* (= *betul*), *beson* (= *bezon*),  
*bien*, *bier*, *interlig* (= *bind*), *ukcel* (= *bird*), *biskvit*, *bismut*, *blank*,  
*blat*, *kri* (*aŭ kri*et) (= *blek*), *blind*, *blond*, *sofl* (= *blov*), *blu*, *bo*-,  
*boa*, *hobin* (*boben*), *aboj-a* (= *boj-i*), *bot*, *bonbon* (= *bombon*), *bon*,  
*for* (= *bor*), *boraks*, *riv* (= *bord*), *bord* (= *border*), *bors*, *bot*, *botel*,  
*bov*, *brak*, *brem* (= *bram*), *bran*, *ram* (= *branĉ*), *akvavit* (= *brand*),  
*brank*, *brasik*, *brav*, *tavl* (= *bret*), *brid*, *brik*, *bril*, *brilant*  
(= *briliant*), *brod*, *skald* (= *brog*), *bronz*, *bros*, *brov*, *rumor* (*bru*),  
*ard* (= *brul*), *brun*, *pekt* (= *brust*), *brut*, *bub*, *bufal* (= *bubal*),  
*buc* (= *buĉ*), *bud*, *bufon* (= *buf*), *bufet* (= *bufed*), *bokl* (= *buk*),  
*buket* (= *buked*), *bukl*, *bul*, *bulb*, *buljon*, *blank-e pan-o* (= *bulk*),  
*burdon* (= *burd*), *borges* (*burg*), *boton* (= *burgon*), *bok* (= *bus*),  
*busel* (= *buŝel*), *butr* (= *buter*), *butik*, *buton*, *butona* (= *butonumi*).

*cagren* (= *ĉagren*), *kamos* (= *ĉam*), *cambelan* (= *ĉambelan*),  
*cambr* (= *ĉambr*), *campan* (= *ĉampan*), *kanet* (= *ĉan*), *cap* (= *ĉap*),  
P. 51. *capel* (= *ĉapel*), *capitr* (= *ĉapitr*), *nam* (= *ĉar*), *carlatan* |  
(= *ĉarlutan*), *carm* (= *ĉarm*), *carnier* (= *ĉarnir*), *carpent* (= *ĉarpent*),  
*carpi* (= *ĉarpi*), *venatr* (= *ĉas*), *cast* (= *ĉast*), *ce* (= *ĉe*),  
*ced*, *cedr*, *cef* (= *ĉef*), *cian* (= *ĉejan*), *skop* (= *ĉel*), *cel* (= *ĉef*),  
*cement*, *kamis* (= *ĉemiz*), *katen* (= *ĉen*), *cent*, *cerebr* (= *ĉerb*),  
*ceras* (= *ĉeriz*), *cerkel* (= *ĉerk*), *cerp* (= *ĉerp*), *cert*, *cere*, *ces* (=



ces), ceter, kaval (= čeval), tu (= ci), hik — ic — ho (= tiu či — tie či — tio či), omne (čiu), semper (= čiam), partutu (= čie), omnemaniere (= čiel), ciel-o (= čiel-o), cif (= čif), cifr (= cifer), cifon (= čifon), cigar, cigaret (= cigared), cign, interfam (= čikan), cikatr, cikoni, cikori, cim, cimbāl, cinabr, cinam, cintr, omno (= čio), cipres, cir, cirku (= čirkaŭ), cirkl (= čirkel), cirkonstanz (= cirkonstanc), cirkular (= čirkuler), cit, citr, citrono, omnu (= čiu), omnui (= čiuŭ), civilis (= civiliz), cisel (= čiz, -et- (= čj = nj = et), cokolat (= čokolad), dit (= col), num (= ču).

(« Da » ne estas uzata; ekzemple : anstataŭ « botelo da vino » oni diras « botelo vino »), daktil, dam-i, damask, danz (= danc), dand, perikl (= danĝer), grati (= dank), dal, dativ, datur, dur (= daŭr), de, dec, decid, Decembr, decifr (= deĉifr), dedik (= dediĉ), defens (= defend), degel, degener, degrad, servogard (= deŝor), dek, deklin = deklinaci), dekliv, dekstr, delfen, delikat, delir, demand, demon, denar, dens, dent, denunz (= denunc), tantu (= des), deput, desegn, detal, distri (= detru), dev, devis (= deviz), desert (= dezert), desir (= deŝir), De (= Di), diabl, diamant, deboc (= diboĉ), didelf, defekt (= difekt), diferenz (= diferenc), difn, dig, digest, gros (= dik), dikt, diligent, domink (= dimanĉ), dir, direkt, dis-, diskont, dispon, disput, distil, disting, distrakt (= distr), distrikt, diven, divers, divid, donku (= do), dolc (= dolt), dolor, dom, domag (= domaĝ), domin (= domen), dar (= don), don (= donac), dorlot, dorm, spin (= dorn), dors, dot, drak, drap, draper (= drapir), dras (= draŝ), dres, bib (= drink), tavern (= drinkej), drog, dron, du, dub, duk, dum, mercen (= dung).

-e, ekval (= eben), ebl, eben (= ebon), -it (= -ec), mem (= eĉ), edifik (= edif), eduk, spos (= edz), efektiv, efekt (= efik), -eg-, egal, ek-o (= eĥ-o), -ej-, ek- (signifas nur agon momentan), eks, ekscelenz (= ekscelenc), ekscit, ekskurs, eksped, eksplod, eksposizi (ekspozici), ekster, eksterm, ekstr, ekstrem, eksamen (= ekzamen), eksekut (= ekzekut), eksempl (= ekzempl), eksempler (= ekzempler), ekserc (= ekzerce), eksil (= ekzil), eksist (= ekzist), el, elast, elefant, elekt, elokvent, em, emal (= emajl), embaras, embri, embusk, eminent, in (= en), enigm, entrepren, entusiasm (= entuziasm), enu, envi, episkop, epok, epolet, -er-, erar, erinac, ermen, ermit, erp, escept, esenz (= esenc), eskadr, esper, esplor, esprim, eslim, esting, estr, ecafod (= eŝafod), -et-, etag (= etaĝ), etat, etend, eter, etern, evit, esok (= ezok).

*fab, narat* (= *fabel*), *fabl, fabrik, facet, facil, filu* (= *faden*),  
*fag, fajenz* (= *fajenc*), *fif* (= *fajf*), *lim* (= *fajl*), *fuok* (= *fajr*),  
*partiment* (= *fak*), *faktur, kad* (= *fal*), *fulbal, falc* (= *falc*),  
*plik* (= *fald*), *falk, fals, fam, famili, fiond* (= *fand*), *fanfaron,*  
*fantom, far, faring, farm, — (kiel vi fartas = kvale esten vue*  
*stato), farin* (= *farun*), *fusk, fason, jegun* (= *fast*), *fav, favor,*  
*fasan* (= *fazan*), *fe, febr, Februar, fec* (= *feč*), *kut* (= *fel*), *felic*  
 (= *felič*), *felt, femor* (= *femur*), *fend, fenestr, fenikl* (= *fenkol*),  
*fer, deg* (= *ferdek*), *ferm, ferment, fervor, fest, festin* (= *festen*),  
*fianz* (= *fianč*), *fibr, fid, fidel, fier, fig, figur* (verbo neŭtra; aktiva :  
*figurig*), *fil, filik, flitr, fin, digit* (= *fingr*), *firm, pisk* (= *fiš*), *fiŝtul,*  
*flag, flam, flan, flanel, flank, olfakt* (= *flar*), *flat, flav, fleg, flegm,*  
*fleks, rapez* | (= *flik*), *volet* (= *flirt*), *flok, flor, flos, flu, vol* (= *flug*),  
*fluid, flut, foir, volt* (= *foj*), *fien* (= *fojn*), *fok, fokus, foli, fund*  
 (= *fond*), *font, fontan, ab* (for), *forg* (= *forğ*), *obliv* (= *forğes*),  
*fork, form, formik, foru, fort, fortepian, solid* (= *fortik*), *fos, fos-*  
*for, fost, frag, fragment, freg* (= *frağ*), *frak, frakas, fraksin* (= *fraksen*),  
*franmason* (= *framason*), *framb, friand* (= *frand*), *frang*  
 (= *frangj*), *frangl* (= *frangol*), *frap, frat, fral* (= *frail*), *alien*  
 (= *fremd*), *irenes* (= *frenez*), *fresk* (= *freš*), *fring, fringel, fripon,*  
*fris* (= *friz*), *fromag* (= *fromağ*), *front, gel* (= *frost*), *frig* (= *frot*),  
*prekoc* (= *fru*), *frugileg, frukt, front* (= *frunt*), *ftis* (= *ftiz*), *fu-*  
*lig* (= *fulg*), *fulmin* (= *fulm*), *fum, fund, fundament, funebr, funel,*  
*fung, funt, furag* (= *furağ*), *furios* (= *furioz*), *furunkl* (= *furunk*),  
*fuc* (= *fus*), *fusten, ped* (= *fut*).

*merluc* (= *gad*), *gaj, gal* (= *gajl*), *gan* (= *gajn*), *fel* (= *gal*),  
*galanteri, galeri, galon, galoc* (= *galos*), *gam, gamac* (= *gamaš*),  
*gant, garanti, garb, gard, garden* (= *ğarden*), *gargar, gas, host*  
 (= *gast*), *gazel, gazet, ge-, gelatin* (= *gelaten*), *gem* (= *ğem*), *gen*  
 (= *ğen*), *generazi* (= *generaci*), *genitiv, genet* (= *genot*), *gent,*  
*gentil* (= *ğentil*), *genu, germ* (= *ğerm*), *gest, lu aŭ ho* (= *ği*),  
*gib* (= *ğib*), *gips, giraf* (= *ğiraf*), *ad* (= *ğis*), *gitar, glaci, repas*  
 (= *glad*), *glon, gland, vitr* (= *glas*), *lis* (= *glat*), *glav, mik* (= *glim*),  
*glit, glob, glori, glutin* (= *glu*), *glut, gobi, jov* (= *ğoj*), *golf,*  
*gutur* (= *gorğ*), *grazi* (= *graci*), *grad, komt* (= *graf*), *gran* (= *grajn*),  
*gramatik, granat, grand, granit, gras, grat, gratul, grav,*  
*gravid* (= *graved*), *gravur, froment* (= *gren*), *grenad, gri, stil* (= *grifel*),  
*gril, grimac, grinc, gris* (= *griz*), *uv* (= *gros*), *groc* (= *gros*),  
*grot, gru, grup, (su) delekt* (= *ğu*), *gudr, guf, gum, tur-*

**nolud** (= *gurd*), **gust**, **gust-a** (= *gustumi*), **eksakt** (= *ġust*), **gut**, **gubern**, **guardi**, **gvid**.

**a!** (= *ha!*), **grel** (= *hajl*), **hak**, **hal**, **eksalazi** (= *haladz*), **halt**, P. 67.  
**hamstr**, **kaos** (= *ħaos*), **krin** (= *har*), **indur** (= *hard*), **haring**, **harp**,  
**kut** (= *ħaūt*), **hav**, **haven**, **heder**, **sue dom** (= *hejm*), **fuok-a**  
 (= *ħeġt-i*), (*hele* = *akute aħ klare aħ lume*), **juv** (= *help*), **kemi** (= *ħemi*), **hepat**, **herb**, **hered**, **heresi** (= *ħerez*), **hero**, **herni**, **hidrargir**  
 (= *hidrarg*), **hidrogen**, **hieru** (= *hierāu*), **kimer** (= *ħimer*), **hipo-**  
**krit**, **hirud**, **hirund**, **hiskiam**, **histori**, **histrik**, **o!** (= *ho!*), **hodiū**  
 (= *hodiaū*), **hok**, **koler** (= *ħoler*), **hom**, **honest**, **honor**, **pudor** (= *hont*), **hor**, **korus** (= *ħor*), **horde**, **horizontal**, **horlog** (= *ħorloġ*),  
**hortulan**, **hosti**, **hotel**, **pedokorn** (= *ħuf*), **humil**, **humor**, **kan** (= *ħund*), **husar**, **hus** (= *ħuz*).

**-ā** (= *-i*), **alikve** (= *ia*), **por alikvo** (= *ial*), **alikvam** (= *iam*), **ibis**,  
*id*, **idili**, **idol**, **in alikve loko** (= *ie*), **in alikve maniero** (= *iel*), **de**  
**alikvu** (= *ies*), **ig**, | **isk** (= *ig*), **iktiokol** (= *iḥtiokol*), **-il**, **ilu** (= *ili*), P. 68.  
*ilumin*, **imag**, **imil**, **imperi**, **impres**, **implik**, **in**, **irit** (= *incit*), **ind**,  
*indiferent*, **indign**, **indulg**, **industri**, **infant** (= *infan*), **infekt**, **infer**,  
*inflū*, **infus** (= *infuz*), **ingvin** (= *ingven*), **ingenier** (= *ingenier*),  
**iniziativ** (= *iniciat*), **atrament** (= *ink*), **inklin**, **inokul**, **insekt**, **insid**,  
*insign*, **inspir**, **instig**, **instru**, **instrukzi** (= *instrukci*), **insul**, **insult**,  
 —<sup>1</sup>, **intenz** (= *intenc*), **inter**, **interes**, **interjekzi** (= *interjekci*),  
*intern*, **interpunksi** (= *interpunkci*), **intestin** (= *intest*), **intim**,  
*intrig*, **inuit**, **intermit**, **alikvo** (= *io*), **alikvantu** (= *iom*), **ir**, **-in**  
 (= *-is*), **-ist**, **-at** (= *-it*), **alikvu** (= *iu*), **isol** (= *izol*).

**-i** (= *-oj*), **ja**, **jak**, **jalus** (= *jaluz*), **jam**, **Januar**, **anu** (= *jar*),  
**jasmin** (= *jamen*), **joved** (= *jaūd*), **je**, **ekcu** (= *jen*), **si** (= *jes*),  
**jet** (= *jet*), **jongl** (= *jongl*), **kvantu-tantu** (= *ju — des*), **jug**, **judik**  
 (= *juġ*), **jugland**, **prur** (= *juk*), **Juli**, **jun**, **jung**, **Juni**, **junipr** (= *juniper*), **jup**, **jur** (= *jur*), **antu-momento** (= *jus*), **just**, **juvel**.

**grie** (= *kaē*), **kadr**, **kaduk**, **kaf**, **kag** (= *kaġ*), **kahel**, **e** (= *kaġ*),  
**kajer**, **kajut**, **kal**, **kaldron**, **kalec** (= *kaleš*), **kalfatr**, **katik**, **kalk**,  
**kalikot**, **kalkan**, **kalkul**, **kalson**, **kalumni**, **kambi**, **kamel**, **kamin** (= *kamen*),  
**kamer**, **kamfor**, **kamisol** (= *kamizol*), **kamlot**, **kamomil**,  
**kamp**, **kanu** (= *kan*), **kanab**, **kanali** (= *kanajl*), **kanap**, **kanari**,  
**kancelari**, **kancelier**, **kand**, **kandel**, **kankr**, **kant**, **kantarid**, **kantor**,  
**kancas**, **kap**, **kapabl**, **kapel**, **kapiġan**, **kapitel**, **kapitul** (= *kapitulac*),

1. Tia streketo riprezentas la vorteron -int forigatan (*Noto de la represso*).



kapon, kapot, kapar, kapreol, kapric, kapsul, kapt, kapucen, kapuc  
 (= kapuč), kar, **karabin** (= karaben), karaf, karakter, karas, karb,  
 kard, kardel, kares, kariofil, karmin, karnaval, karo, kurob, karot,  
 karp, karpen, kart, kartav, kartilag, **kartoc** (= kartoč), karton,  
 karusel, kas, **okult** (= kaš), kaserol, kask, **kastani** (= kaštan),  
 kastel, kastor, kastr, kat, kataplasm, katar, katarakt, katen, katun  
**kauteris** (= kaüteriz), **kaus** (= kaüz), kav, kavalir, kavern, kaviar,  
 kasu (= kaz), **kasa** (= kaze), ke, hegl, **kelar** (= kel), kelk, kelner,  
 resine ligno (= ken), ker, kern, kerub, kest, **kvale** (= kia), por  
 kvo (= kial), **kvandu** (= kiam), ubu (= kie), **kom** (= kiel), de  
 kvu (= kies), kvil, **kvo** (= kio), **kvantu** (= kiom), kiras, baci (=  
 kis), sukenil (= kitel), **kvu** (= kiu), tois (= klast), klap, klar, **kla-**  
**rinet** (= klarnet), klas, klav, **kultur** (= kler), klimat, klin, klister,  
 hava peno (= klopodi), **kloc** (= kloš), klub, **klus** (= kluž), pubr  
 (= kuab), **inpast** (= kned), koaks, kobalt, kobold, **kocenil** (= ko-  
 čenil), **koin** (= kojn), kok, kokcinel, koket, **kokluc** (= kokluš),  
 kokos, koks, kol, **salsic** (= kolbas), koleg, kolekt, **irask** (= koler),  
 kolibr, kolimb, **kolofoni** (= kolofon), kolomb, kolon, kolor, kolport,  
 kolubr, kom, komand, **pektin** (= kombil), kombin, **komenz** (= ko-  
 menc), **koment** (= komentari), **komerz** (= komere), komfort, komisi,  
 komitat, **komis** (= komiz), komod, kompar, kompot, **komplas** (=  
 komplez), **kompos** (= kompost), **komprend** (= kompren), kompres,  
 komun, komuni, komunik, **kognosk** (= kon), koncert, kondamn,  
**kondizi** (= kondiž), **kondolenzi** (= kondolenc), kondak, **konduit**  
 (= kondut), konfes, konfid, konfirm, konfit, konform, **konfus** (=  
 konfuz), konjekt, **konjug** (= konjugaci), **konjunkzi** (= konjunkci),  
 konk, konklud, konkur, konkurs, **konszi** (= konsci), **konszienz** (=  
 konscienc), **konsekvent** (= konsekvenc), konsent, konserv, konsider,  
 konsil, konsist, konsol, konsonant, konspir, konstant, konstat, kons-  
 tern, konstru, konsum, kontant, kontent, kontor, kontrakt, **kontru**  
 (= kontraŭ), kontur, **kontus** (= kontuž), konval, konven, konvert,  
 konvink, konvulsi, konus, kopi, kor, koran, korb, kord, korekt,  
 korespond, kork, korn, kornik, korp, **korporazi** (= korporaci),  
 korpus, kort, kore, kost, kostum, kot, kolon, koturn, kov, | **envelop**  
 (= kovert), kovr, **krac** (= krač), **krat** (= krad), krajon, **krakelin**  
 (= kraken), kramp, kran, krani, kratag, krater, kravut, kre, kred,  
 krem, kren, **krepuski** (= krepusk), kresk, kret, krev, kribr, krin,  
 kriminal, kring, **stropiat** (= hripl), krisp, krist, kristal, kritik, **kris**  
 (= križ), **kroc** (= kroč), krokodil, hors (= krom), **koron** (= kron),

**kronik**, **ingluvi** (= *krop*), **kros** (= *kroz*), **kruz** (= *kruc*), **kruc** (= *kruc*), **krud**, **kruel**, **krup**, **krur**, **krust**, **ripid** (= *krut*), **kub**, **kubit** (= *kubut*), **kuđr**, **kuf**, **balu** (= *kugl*), **kokv** (= *kuir*), **gat** (= *kuk*), **kukul** (= *kukol*), **kukum**, **kukurb**, **kul**, **kuler**, **kulp**, **kum** (= *kun*), **kuniki**, **kukurbiti** (= *kup*), **kupol**, **kupr**, **kur**, **kurazi** (= *kurac*), **kurag** (= *kurađ*), **kurator**, **kurv** (= *kurb*), **kurier**, **kortin** (= *kurten*), **kusin** (= *kusen*), **kuc** (= *kuš*), **kutim**, **kuv**, **kusen** (= *kuz*), **krankam**, **kvanit** (= *kvant*), **kvar**, **kvaranten**, **kvarz** (= *keare*), **kvert**, **kvartal**, **kvasu** (= *kvazaŭ*), **kverk**, **kviet**, **kvín**, **kvit**, **kvitanz** (= *kvitanc*).

**labor**, **fatigat** (= *lac*), **lucert**, **lac** (= *lač*), **lad**, **laf**, **lag**, **vernis** (= *lak*), **lake**, **diare** (= *laks*), **lakt**, **lam**, **lamp**, **lampir**, **lan**, **paes** (= *land*), **lang**, **lantern**, **lanug**, **lard**, **larg** (= *larđ*), **laring**, **lakrim** (= *larm*), **larv**, **las**, **ultim** (= *last*), **sekundu** (= *laŭ*), **fraskat** (= *laŭb*), **lavd** (= *laŭd*), **lavr** (= *laŭr*), **laut** (= *laŭt*), **lav**, **lavang**, **lezion** (= *lecion*), **kori** (= *led*), **lekt** (= *leg*), **leg** (= *leđ*), **legend**, **legi**, **legum** (= *legom*), **lek**, **lekant**, **leksikon**, **lent**, **lentug**, **leon**, **leontod**, **leopard**, **lepor**, **lepr**, **aprend** (= *lern*), **agil** (= *tert*), **lesiv**, **letr** (= *leter*), **lietenant** (= *leŭtenant*), **lev**, **levkoj**, **lu** (= *li*), **lian**, **libel**, **liber**, **libr**, **lien**, **lig**, **lign**, **liken**, **likvid**, **likeor**, **liti**, **limit** (= *lim*), **limak**, **limonad**, **lin**, **lingv**, **lini**, **link**, **labi** (= *lip*), **liv**, **lit**, **litani**, **liter**, **liut**, **livr** (= *liver*), **livre**, **duon-unz** (= *lod*), **laces** (= *log*), **habit** (= *leđ*), **logi** (= *lođi*), **lotu** (= *lojt*), **lok**, **lokomotiv**, **lodi** (= *lot*), **long**, **lonicer**, **loru**, **lot**, **lu**, **lud**, **luks**, **lul**, **lum**, **lumb**, **lun**, **lunatik**, **lund**, **lup**, **lupl** (= *lupol*), **lustr**, **sald** (= *lutr*).

**maz** (= *mač*), **mac** (= *mač*), **magasin** (= *magazen*), **magi**, **magnet**, **mais** (= *maiz*), **Maj**, **majest**, **maestr** (= *majstr*), **mokler**, **makul**, **maksil** (= *makzol*), **mal**, **maleol**, **malgru** (= *malgrau*), **malic**, **mam**, **man**, **mana**, **mangan**, **ed** (= *manđ*), **manier**, **manik**, **mank**, **manovr**, **mantl** (= *mantel*), **mar**, **maras** (= *marč*), **marcand** (= *marčand*), **marzipan** (= *marcipan*), **marđ**, **mark**, **markot**, **marmot**, **marmor**, **marokin** (= *maroken*), **marc** (= *marč*), **marcal** (= *maršal*), **Mart**, **martel**, **mas**, **mali** (= *maš*), **macin** (= *mašin*), **masiv**, **mask**, **mason**, **mast**, **mastik**, **mastr**, **mat**, **matin** (= *maten*), **matraz** (= *matrac*), **matur**, **mebl**, **mec** (= *meč*), **medal**, **melalion**, **medit**, **mekanik** (= *mekanik*), **meil** (= *mejł*), **mel**, **meleagr**, **trar** (= *melk*), **melon**, **ipsu** (= *mem*), **membr**, **membran**, **memor**, **mand** (= *mend*), **mensog**, **ment**, **menton**, **merit**, **meris** (= *meriz*), **merkred**, **merl**, **mes**, **Mesi**, **met**, **mestier** (= *meti*), **lar** (= *mev*), **medi** (= *mez*), **mesur** (= *mezur*), **mi**, **miel**, **mien**, **migdal**, **migr**, **miks**, **mil**, **mili**, **milit**, **min**, **minaz**

(= *minac*), *minut*, *mioĝal*, *miop*, *miosot* (= *miozot*), *mir*, *mirh*, *mirt*, *mirtil* (= *mirtel*), *miŝi*, *mister*, *miser* (= *mizer*), *mod*, *model*, *moder*, *mo-dest*, *moĝ*, *mol*, *moment*, *mon*, *monak* (= *monaĥ*), *monark* (= *monarĥ*), *mens* (= *monat*), *mund* (= *mond*), *moned*, *monstr*, *mont*, *montr*, *monument*, *moŝs*, *mor*, *morbil*, *mord*, *dimanu* (= *morgaŭ*), *mort*, *morter*, *morus*, *most*, *honor* (= *moŝt*), *mor*, *mulin* (= *muelil*), *muf*, *mug* (= *muĝ*), *muk*, *mul*, *mull*, *mur*, *murmur*, *mus*, *muc* (= *muŝ*), *musk*, *muskat*, *muskl* (= *muskol*), *muslin*, *mustard*, *mustel*, *mut*.

*versu* (= « *n* » de direkto), *nazi* (= *naci*), *nat* (= *naĝ*), *vicen* (= *najbar*), *klod* (= *najl*), *luscini* (= *najtingal*), *nankin* (= *nanken*), *nap*, *narcis*, *nask*, *natur*, *novu* (= *naŭ*), *naus* (= *naŭz*), *nas* (= *naz*), *ne*, *nebl* (= *nebul*), *nez*, *nezes* (= *neces*), *niv* (= *neĝ*), *neglig* (= *neglig*), *negoz* (= *negoc*), *nek*, *nule* (= *nenia*), *nunkvam* (= *neniam*), *nuskvam* (= *nenie*), *nulemaniere* (= *neniel*), *de nemo* (= *nenies*), *nulo* (= *nenio*), *nemo* (= *neniu*), *nep*, *absolute aŭ nealie* (= *nepre*), *nid* (= *nest*), *net*, *nee*, *nos* (= *ni*), *nic* (= *niĉ*), *nigr*, *niel*, *-et* (= *-nj*), *gentilom* (= *nobel*), *nobl*, *nokt*, *nom*, *nombr*, *nominativ*, *nord*, *not*, *notari*, *nov*, *novembr*, *noviz* (= *novic*), *nu*, *nuanz* (= *nuanc*), *nub*, *nud*, *nuk*, *nuks*, *nul* (cifro), *numer*, *nunk* (= *nun*), *solu* (= *nur*), *nutr*.

*o*, *obe*, *objekt*, *obl*, *oblat*, *observe*, *obstin*, *obstrukzi* (= *obstruke*), *odor*, *ofend*, *sakrifik* (= *ofer*), *ofic*, *ofeir*, *frekvent* (= *oft*), *ok*, *okasi* (= *okaz*), *okeident*, *oksigen*, *oksikok*, *Oktobr*, *oksal* (= *okzal*), *okl* (= *okul*), *okup*, *kvam* (= *ol*), *ole*, *oliv*, *homard* (= *omar*), *umbr* (= *ombr*), *umbrel* (= *ombrel*), *-on-*, *und* (= *ond*), *on* (= *oni*), *onkl*, *-*, *-<sup>1</sup>*, *opal*, *opini*, *oportun*, *aur* (= *or*), *orakl* (= *orakol*), *orang* (= *orang*), *ord*, *ordr* (= *orden*), *ordinar*, *ordon*, *orel*, *orfan* (= *orŝ*), *organ* (= *orgen*), *orient*, *ornam*, *-on* (= *-os*), *osced*, *os* (= *ost*), *ostr*, *ov*, *oval*.

*pac*, *patienz* (= *pacienc*), *fus* (= *paf*), *pag*, *pagin* (= *paĝ*), *pagi* (= *paĝi*), *pali* (= *pajl*), *pak*, *pal*, *palaz* (= *palac*), *palat*, *palet* (= *palet*), *palis*, *palm*, *palp*, *palpebr*, *pan*, *pantal*, *panter*, *pantost*, *pap*, *papag*, *papavr* (= *papav*), *paper*, *papili*, *par*, *parad*, *paradis* (= *paradiz*), *paralis* (= *paraliz*), *parasit* (= *parazit*), *pardon*, *parent* (= *paren*), *parentes* (= *parentez*), *parfum*, *parket* (= *parget*), *park*, *elmemor* (= *parker*), *paroki* (= *paroĥ*), *parol*,

1. Tiuj du streketoj riprezentas la vorterojn -ont kaj -op forigatajn.  
Noto de la represo



part, parter, parti, particip, paru, pas, pasu (= paš), pasament, paser, pasi, Pusk, pasport, past, pastur (= past), pastet (= pasteč), pastil (= pastel), pastinak, pastor (= pastr), patel (= pat), patr, patrol, paus (= paüz), pav, paviment (= pavim), pez (= pec), pec (= peč), pedik, pic (= peg), paesag (= pejzaž), pek, insal (= pekl), pel, pelikan, pelis (= pelt), pelv, pen, pend, pendol, penetr, pincel (= penik), pens, pensi, repent (= pent), Pentekost, ping (= pentr), pep, per, perc (= peré), perd, perdrik, pere, perfekt, perfid, perjamen, peritone, perk, pert, perlamot, permes, peron, persekut, persik, persist, person, pes, pest, pet, petul (= petol), petrole (= petrol), petromis (= petromiz), petrosel, ponder (= pez), pi, pice, ped (= pied), pedestal, pig, pik, piket (= piked), bal (por luda) (= pilk), pilot, pilot, pin, pinc (= pinč), spil (= pingl), pini, point (= pint), pionir, pip, pipr, pips, pir, pirit, pirul (= pirol), piros (= piroz), pil (= pist), piston (= pišt), pistak, pistol, pis (= piz), plaz (= plac), plac (= plač), plad, plafond (= plafon), plan, plant (de pedu) (= pland), planet (= planed), plank, plant, plastr, plat, platin (= platen), plavd (= plaüd), maksu (= plej), plekt, plen, plend, tenoplat (= plet), plesir (= plezur), plu (= pli), plik, plor, plot, plu (aŭ « de plu »), plug, plumb, pluc (= pluš), pluv, a (= po), poent, bokal (= pokal), poliz (= polir), poligon, polir (= potur), potus, polv, pom, poniard (= ponard), pont, popl, popol, por, porcelan, porzi (= parci), pord, porfir, pork, port, porter, portret, poc (= poš), posed, postu (= post), post (= pošt), posten, postul, pot, potas, potenz (= polenc), pov, pru, praktik, pram, razion (= prav), precip, precis (= preciz), predik, predikat, prefer, prek (= prež), prem, premi, prend (= pren), prepar, preposizi (= prepozici), imprim (= pres), presku (= preskaŭ), pret, pretekst, pretend, preter, prez, present (= prezent), presid (= prezid), de (= pri), primul (= primol), prinz (= princ), printemp, privat, privilegi, pro, procent, proces, produkt, profes, profet, profit, profund, progres, proklam, prokrastin (= prokrast), prop | (= proksim), promen, promes, promontori (= promontor), pronom, propon, propr, prosper, proverb, provinc (= provinc), provis (= proviz), prudent, brin (= prujn), prun, prunel, emprunt (= prunt), pruv, publik, pudl (= pudel), pudr, pugn, pul, pulm, pulv, pulvr (= puleor), pumik, pump, pun, punz (= punc), punc (= punč), punkt, dentel (= punt), pup, pupil, pur, purpur, pus, impuls (= puš), put, putor, putr.

**rapac** (= *rab*), **rabat**, **raben**, **rabot**, **ruot** (= *rad*), **radi**, **radik**, **rafan**, **raŝn**, **surkaval** (= *rajd*), **jus** (= *rajt*), **rakont**, **ramp**, **ran**, **ranz** (= *ranc*), **margin** (= *rand*), **rang**, **ranunkl** (= *ranunkol*), **rap**, **rapid**, **fleret** (= *rapir*), **raport**, **rasp**, **rast**, **rat**, **rauk** (= *rauk*), **bruk** (= *raup*), **rav**, **ras** (= *raz*), **re**, **reciprok**, **redakzi** (= *redakci*), **redaktor**, **reg**, **reks** (= *reg*), **regal**, **regiment**, **region**, **registr**, **regn**, **regol**, **regl** (= *regul*), **rekomend**, **rekompens** (= *rekompenc*), **rekrut**, **rekt**, **rel**, **religi**, **rem**, **rembur**, **rempart** (= *rempar*), **renkontr** (= *renkont*), **rent**, **renvers**, **respekt**, **respond**, **rest**, **restorazi** (= *resto raci*), **ret**, **rev**, **riserv** (= *rezerv*), **resin** (= *rezin*), **rib**, **ribel**, **ric** (= *rič*), **ricev**, **rid**, **rif**, **refug** (= *rifuĝ*), **rifus** (= *rifuz*), **rigard**, **rigid**, **verol** (= *rigl*), **rekolt** (= *rikolt*), **relat** (= *rilat*), **rim**, **rimark**, **remed** (= *rimeđ*), **koregi** (= *rimen*), **anel** (= *ring*), **rinocer**, **rip**, **ripet**, **repos** (= *ripoz*), **reproc** (= *riproč*), **risk**, **risort**, **river**, **reveren** (= *riverenc*), **ris** (= *riz*), **rad** (= *rod*), **romp**, **rond**, **ronk**, **ror** (= *ros*), **rosmar**, **rosmarin** (*rosmaren*), **rost**, **rostr**, **rot**, **ros** (= *roz*), **rosari** (= *rozari*), **dekombr** (= *rub*), **ruban** (= *ruband*), **rubin** (= *ruben*), **rubrik**, **rubr** (= *ruĝ*), **ruin**, **rukt**, **ruł**, **rum**, **rugin** (= *rust*), **astut** (= *ruz*).

**sabat**, **sabl**, **breb** (= *ŝaf*), **safir**, **safran**, **sagit** (= *sag*), **sapient** (= *saĝ*), **sagac**, **sembl** (= *ŝajn*), **sak**, **skak** (= *ŝak*), **cakal** (= *ŝakal*), **sakr**, **sal**, **savl** (= *ŝal*), **salari** (= *salajr*), **salamondr**, **salomonik**, **salat**, **salik**, **salm**, **calm** (= *ŝalm*), **salon**, **salpetr**, **salt**, **salut**, **salvi**, **sam**, **camosk** (= *ŝam*), **sambuk**, **san**, **cansel** (= *ŝancel*), **sang**, **aliig** (= *ŝanĝ*), **sankt**, **sap**, **sardel**, **carg** (= *ŝarg*, *ŝarĝ*), **sarkl** (= *ŝark*), **rekin** (= *ŝark*), **sat**, **alte tena** (= *ŝati*), **ŝatur**, **sauc** (*sauc*), **skum** (= *ŝaum*), **salv** (= *sav*), **szeptr** (= *sceptr*), **szi** (= *sci*), **szien** (= *ŝienc*), **sciur**, **se**, **seb**, **sed**, **seg**, **sedi** (= *seĝ*), **sek**, **sekal**, **seks** (= *sekc*), **sekret**, **sekretari**, **seks**, **sekund**, **sekv**, **sel**, **ekorc** (= *ŝel*), **serlakt** (= *selakt*), **bretel** (= *ŝelk*), **sem**, **setiman** (= *semajn*), **sinu** (= *sen*), **sens** (*ŝenc*), **invi** (= *send*), **sent**, **sentenz** (= *sentenc*), **sep**, **Septembr**, **serk** (= *serč*), **skerz** (= *ŝerc*), **sergent** (= *serĝent*), **seri**, **serios** (= *serioz*), **serpent**, **serur**, **serv**, **serviz** (= *servic*), **servitut** (= *servut*), **ses**, **sever**, **seson** (= *sezoni*), **su** (= *ŝi*), **elu** (= *ŝi*), **sifl** (= *ŝibl*), **sid**, **obsid** (= *ŝieĝ*), **sigl** (= *siget*), **sign**, **signal**, **signif**, **silab**, **skut** (= *ŝild*), **ŝilent**, **ŝilik**, **set** (= *ŝilk*), **ŝilur**, **ŝilvi**, **mois** (= *ŝim*), **ŝimi**, **ŝimil**, **simpl**, **sincer**, **ecandol** (= *ŝind*), **ŝingult**, **ŝinĝor**, **jambon** (= *ŝink*), **nav** (= *ŝip*), **ŝtraci** (= *ŝtr*), **ŝiring**, **proteg** (= *ŝirm*), **ŝirop**, **ŝitel**, **situazi** (= *situaci*), **ŝkabi**,

eskadron (= skadr), skal, skapl (= skapol), skarab, skarlatin (= skartat), skarp, skatl (= skatol), skerm, skiz, sklav, skolop, skorbut, skorpi, skrap, skrib, skroful (= skrofol), skuot (= sku), skulpt, flagel (= skurg), skvam, slim (= šlim), klavd (= šlos), bacieg (= šmac), smerald, unt (= šmir), fun (= šnur), sobr, societ, sof, soif, soli (= sojl), sol, soldat, solen, solv, estat (= somer), son, song (= song), sonor, sonoserpent, sopir, sopran, sorb, sorcel (= sorč), sorik, sorbu (= sorp), sort, sov (= šov), sovag (= sovağ), palu (= šovel), spaz (= spac), spalir, ekonomî (= špar), spat, spez (= spec), spekl (= spegul), ekspert (= spert), spes (= spez), spic, spih, spin, fila (= špin), spinak | (= spinac), spion, spir, spirit, spit, spong, esprit (= sprit), spron, sperg (= špruc), sput, armari (= šrank), vis (= šraub), stab, tret (= stabl), stazi (= staci), stabl (= stal), acier (= štal), stamp, stan, standard, stang, star, stat, stad (= štat), trapunt (= steb), stel, fur (= štel), step, sterk, sterled, stern, stertor, stil, stip, blok (= štip), stof, etof (= štof), stomak, pietr (= šton), stop (= štop), strab, strang, strat, string (= streč), stri, strig, strik, kalz (= štrump), strut, student, stuh, etup (= stup), stup (= štup), sturg, sturn, sulier (= šu), sub, subil, subjekt, sublimat, substantiv, suc (= suč), sud, sufr (= sufer), sufic (= sufič), sufok, suk, sukcin (= sukcen), sukces, sukr (= suker), deb (= šuld), sulfur, sulk, epol (= šultr), sum, solel (= sun), sup, super, superstizi (= superstič), supos (= supoz), supr, sur, surd, surpris (= surpriz), surtut, suspekt, spand (= šut), sposopropon (= svat), turgesk (= švel), Sven, brand (= sving), sudor (= švit).

P. 72.

tabak, tuban, tabul, tabl, tabul, detaçment (= taçment), taft, di (= tag), sartor (= tajlor), taks, talent, tali, talp, tambur, tamen, tan, tapet, tapis (= tapiš), tas, estabone (= taügi), tavol, te, tedi (= ted), teg, tegment, teks, asiet (= telor), tem, temp, tempor (= tempi), ten, tend, tendin (= tenden), tent, ter, teras, terebintin (= terebint), termin, sternut (= tern), teror (= terur), testament, testikl (= testik), testud, tetan, tetr, tetra, tes (= tez), tale (tia), por ho (= tiul), tum (= tiam), tibi, ibu (= tie), sik (= tiel), tigr, tikl, tili, tim, timian, timon, tine, tint, id (= tio), tantu (= tiom), tir, titl (titol), is (= tiu), tel (= tol), toler, tomb, tombak, ton, tond, tonitr (= tondr), topaz, torc (= torč), tord, torf, torn, havresak (= tornistr), tort, tra, trab, traduk, traf, trake (= truhe), trat (= trajt), trakt, trankvil, trans, tre, trefl (= tref),



*trem*, **trembl** (= *tremol*), *trem*, *tren*, **tresor** (= *trezor*), *tri*, *tribun*, *trifoli*, *trik*, *trikot*, *tril*, **bib** (= *trink*), *trip*, *tritik*, *trivial*, *tro*, *troy*, *tromb*, *tromp*, *tron*, *tropik*, *trot*, *trotuar*, **trous** (= *trouz*), *trov*, *tru*, *trud*, *truf*, *trul*, *trumpet*, *trunk*, *trut*, *tualet*, *tub*, *tuber*, *tuf*, **statim** (= *tuj*), *tuk*, *tul*, *tulip*, *tumult*, *tur*, *turban*, *turd*, *turkis*, *turment*, *turn*, *turnir*, *turt*, *tus*, **tuc** (= *tus*), *tut*.

**-an** (= *-u*), **-i** (= *-uj*), *ul*, *ulcer*, *ulm*, *uln*, *um*, *umbilik*, **unz** (= *unc*), *ung*, *uniform*, *univers*, *universal*, *universitat*, **un** (= *unu*), *ur*, *urb*, *urin*, *urn*, *urogal*, *urs*, *urtik*, **-un** (= *-us*), *uter*, *util*, **us** (= *uz*), **usurp** (= *uzurp*).

*vaft*, *vag*, *vagon*, *vakeini*, **cer** (= *vaks*), *val*, **valis** (= *valiz*), *vats*, *van*, **buk** (= *vany*), *vanil*, **vanit** (= *vant*), *vapor*, **engag** (= *carb*), *varioli*, **kakor** (= *varm*), **kuid** (= *vart*), *vasal*, *vast*, *vat*, **vas** (= *vaz*), *ve*, *veget*, **vein** (= *vejn*), **evel** (= *vek*), *vekt*, *vel*, **velin** (= *velen*), **fletr** (= *velk*), *vehur*, *vin*, *vend*, *vendred*, *venen*, **veng** (= *venj*), *venk*, *vent*, **ventil** (= *ventol*), *ventr*, *ver*, *verb*, *verd*, *verdigr*, *very*, **kompon** (= *verk*), *verm*, **vermicel** (= *vermicel*), *vers*, **fud** (= *vers*), *verst*, **vertik** (= *vert*), *vertebr*, *vertikal*, *veruk*, *vesp*, **vespr** (= *vesper*), **vespertil** (= *vespert*), *vest*, *vestibl*, **gilet** (= *vest*), **pari** (= *vet*), **tiemp** (= *vetor*), *vetur*, **vesik** (= *vezik*), **visir** (= *vezir*), **vos** (= *vi*), **karn** (= *viand*), *viburn*, *vic*, *vid*, *vidv*, **vigil** (= *vigl*), *rikari*, *vil*, **vilag** (= *vilag*), *vin*, *vinagr*, **maliot** (= *vind*), **hiver** (= *vintr*), *viol*, *violon*, **violoncel** (= *violoncel*), **fuet** (= *vip*), *viper*, *vir*, **virgin** (= *virgulin*), *virt*, **virtuos** (= *virtuoz*), **esu** (= *vis*), *vitriol*, *viv*, **visag** (= *vizag*), **visier** (= *vizier*), **visit** (= *vizit*), **voc** (= *voe*), **vi** (= *voj*), **vojag** (= *vojag*), *vok*, *vokal*, **vul** (= *vol*), *volont*, *volum*, *vohupl*, *votr*, *vom*, **vokabl** (= *vort*), **kođ** (= *vost*), *vual*, *vulkan*, *vulp*, *vultur*, **vuln** (= *vund*).

*zebr*, *zenit*, *zibel*, *zingibr*, *zink*, *zizel*, *zon*, **kuid** (= *zorg*), **burdon** (= *zum*).

L. ZAMENHOF.

## NOTO DE LA NUNA ELDONISTO (D<sup>ro</sup> E. JAVAL).

---

Bonvolu rimarki la ses sekvantajn frazojn, eltiritajn de la paĝoj 37, 38, 39, 40 de la originalo.

« ...mi devis konfesi, ke la akcentoj sur literoj por multaj personoj prezentos ion fremdan en nia lingvo, objekton de disputado kaj nekontenteco; al la komencantoj (*tiuĵ ĉi personoj estas por ni la plej gravaj*) la akcentoj per la unua rigardo prezentos ion komplikitan, la lingvo tiam ŝajnos al ili ne tiel simpla, kiel mi dezirus..... » (p. 38).

« ..... nia lingvo devas antaŭ ĉio esti plej facila por ĉiuj nacioj kaj, kiom ĝi nur estas ebla, enhavi en si nenion, kiu estus kontraŭ la kutimo de la nacioj kaj prezentus por ili malfacilaĵon aŭ fremdaĵon..... » (p. 37).

« ..... en nia pure praktika afero la neoportuna teoria logiko devas cedi al la pli oportuna praktika kutimo de la popoloj..... » (p. 37).

« ..... lingvo, kies unua kaj plej grava celo estas fariĝi tutmonda, devas antaŭ ĉio esti la plej simpla kaj plej facila por ĉiuj..... » (p. 38).

« ..... ni devas eviti ĉian superfluan bataladon kontraŭ la kutimoj de la popoloj, por ne malfaciligi senbezone la bataladon per nia lingvo » (p. 39).

« Unu el la ĉefaj principoj de mia reformita alfabeto estis : eviti literojn kaj sonojn, kiuj sen buŝa instruado prezentus malklaraĵojn al ia el la plej gravaj popoloj aŭ postulus tro komplikatajn klarigojn en la lernolibroj difinitaj por tiu ĉi popolo » (p. 40).

ÖNB



+Z120609806



# PRI REFORMOJ EN ESPERANTO

## ALDONAĴO

Tiu broŝuro estas nur akurata represaĵo de kopio litografita kiun D<sup>ro</sup> JAVAL mem farigis en 1905 kaj disdonis al kelkaj samideanoj: tiu *senpaga disdonado daŭras nun laŭ lia volo*. D<sup>ro</sup> ZAMENHOF plendis, ke tiu represaĵo ne estas kompleta, kaj ke mankas la « fino » de liaj artikoloj de 1894; ni do represas ĝin ĉi sube. Li deziras ankaŭ, ke la leganto bone sciui, « ke pro diversaj motivoj mi la projekton de 1892 jam de longe for'etis. Ĉar kvankam en la teorio ĝi ŝajnis bona, post pli matura pripenso kaj elprovo ĝi montriĝis tre malbona ». Por kontentigi lian deziron, ni aldonas la jenan folion al ĉiuj ekzempleroj disdonitaj aŭ disdonotaj de tiu ĉi broŝuro. Ni uzas tiun okazon por doni liston da « Korektindaĵoj », kiu montras precipe la substrekitaĵn vortojn de l'originala teksto.

## AL LA LIGO ESPERANTISTA

N<sup>o</sup> 5-6<sup>a</sup> de *Esperantista* (majo 1894).

La demando pri la reformoj elvokis grandan disputadon kaj malpaciencon inter multaj niaj amikoj. Por rapidigi la klarigon de tiu ĉi grava kaj disputodona demando, mi rapidigis mian laboron pri tiu ĉi objekto kaj donas nun en tiu ĉi numero la tutan reston de mia proponota vortaro. Malsupre mi donas ankaŭ tiujn ŝanĝojn, kiujn mi decidis fari en mia projekto laŭ la konsiloj de la plimulto. La legantoj sekve havas nun antaŭ si la tutan pentraĵon de la proponota dialekto kaj povas jam doni sian juĝon. Tial mi malfernas nun la komunan voĉdonadon de la Ligo Esperantista en la demando de reformoj. Mi petas, ke ĉiu abonanto de nia gazeto volu skribi al mi, por kiu el la malsupre donitaj 4 punktoj li donas sian voĉon:

P. 65.

1. Ĉu ni devas restigi sensŝanĝe la malnovan (ĝisnunan) formon de nia lingvo?
2. Ĉu ni devas akcepti la novan formon, kiun mi prezentis al la Liganoj, en ĝia tuta pleneco?
3. Ĉu ni devas fari aliajn reformojn en la lingvo?
4. Ĉu ni devas akcepti en principo mian projekton de reformoj, sed nur fari kelkajn ŝanĝojn en ĝiaj apartaj detaloj?

Sed la Ligo akceptos la punkton 1, tiam la lingvo restos sensŝanĝe kaj ĉio iros regule, kiel ĝis nun. Se la Ligo akceptos la punkton 2, tiam mi anencos, ke la demando pri reformoj estas teorie finita, kaj ni komencos, kiel estis jam dirite, la praktikan elprovadon de la nova dialekto. Se la Ligo akceptos

702.281-B.Esp

la punkton 3, tiam ni komencos presadi *senpage* kaj en la *teksto* de nia gazetoj : ĉiujn aliajn projektojn, kiujn alsendos al ni la amikoj de ni afero, kaj pri ĉiu el ili ni proponos voĉdonadon de la Ligo. Se la Ligo akceptos la punkton 4, tiam ni presos ĉiujn proponatajn ŝanĝojn al mia projekto kaj faros voĉdonadon pri ĉiuj tiuj ĉi detalaj ŝanĝoj.

- P. 67.     | El la ĝis nun ricevitaĵoj opinioj la plimulto esprimis sin : kontraŭ la elĵeto de **j** kaj **h** el la alfabeto, kontraŭ la elĵeto de la prepozicio **je** kaj de la pronomo **oni**, kaj kontraŭ la novaj formoj de la personaj pronomoj (Mi parolas nur pri tiuj ŝanĝoj, kiujn egaltempe konsilis *multaj*, sed ne *apartaj* personoj). Tial mi faras en mia projekto la sekvantajn ŝanĝojn : 1. **j** kaj **h** mi jam pli frue restigis en la alfabeto ; 2. **je** kaj **oni** mi restigas ; 3. la pronomojn personajn mi proponas : **mi, tu, elu, lu, su, on** (= *oni*), **nos, vos, ilu**.

L. ZAMENHOF.

(Sekvas senpere) :

### PRIPENSU LIBERE VIAN VOĈON!

Multaj amikoj miras, ke mi, kiu ĝis la lasta tempo konsiladis deteni sin de ĉiaj reformoj, nun eliris mem ne sole kun projekto de reformoj, sed de reformoj *tiel grandaj kaj radikalaj*. Nun ne estas tempo klarigi denove mian detalan opinion pri la reformoj, por ne fari premon sur la komunan opinion ĉe la antaŭstaranta voĉdonado; tamen, vidante el la ricevataĵoj leteroj, ke erara komprenado de mia rilato al la reformoj povas konduki al erara rezultato de la voĉdonado, mi estas devigita doni kelkajn vortojn de klarigo almenaŭ tiom, por ke tiu aŭ alia decido de la Ligo ne estu farata kvazaŭ en mia nomo.

Post la sentina disputado de la partioj estis necese ekscii la veran efektivan opinion de la plimulto, kaj tial mi nun proponas la voĉdonadon, kies celo estas: doni ion difinitan kaj aŭtoritatan kaj ĉesigi por ĉiam la disputojn. Pro la bono de nia afero mi petas, ke ĉiu volu bone kaj libere pripensi sian voĉon, voĉi tiel, kiel li trovas la plej utile por nia afero, kaj gvidi sin per neniaj personaj rilatoj, tiom pli ke tiujn ĉi personajn rilatojn multaj komprenas tute erare. Senfine *ripetataj* reformoj detruus nian aferon; tial por la okazo **se** la plimulto trovos, ke nia lingvo devas esti reformita, mi proponis reformojn grandajn kaj radikalajn, por fini la malagrablan demandon *per unu fojo*; sed **ĉu** la lingvo devas esti reformita aŭ ne, kaj en kia mezuro — tio estas alia demando, kies solvon mi lasas al la libera decido

1. Vidu p. 39 de *Esperantisto*, p. 16 de tiu broŝuro. (*Noto de la represo.*)





de la Ligo. Ĉiu voĉu doni sian voĉon tute libere, gvidante sin nur per la bono de nia afero.

L. ZAMENHOF.

(Sekvas la fino de *Pri reformoj*, p. 67 de *Esperantisto*, p. 27 de tiu broŝuro).

En la n<sup>o</sup> 8 (aŭgusto 1894) troviĝas la rezultato de la « Voĉdonado pri la reformoj », kiun ni resumás jene :

Por punkto I, 144 voĉoj;

— II, 12 —

— III, 2 —

— IV, 95 —

Entute, 109 voĉoj *por* la reformoj, 144 *kontraŭ*. Ĉar neniu punkto ricevis la « absolutan plimulton » necesan laŭ la regularo de la Ligo (t. e. 2/3 de la voĉoj donitaj), oni devis rekomeni la voĉdonadon.

En la n<sup>o</sup> 11 (novembro 1894) troviĝas

« Fina rezultato de la voĉdonado ».

Raportinte pri la voĉoj ŝanĝitaj (7) kaj nove donitaj (11), D<sup>ro</sup> Zamenhof resumás la voĉdonadon jene :

| « La nuna fina rezultato sekve estas :

P. 162.

Por punkto I, 157 voĉoj (= kontraŭ reformoj).

— II, 11 —

— III, 3 —

— IV, 93 —

} (= kune 107 voĉoj por reformoj).

La fina rezultato sekve estas: la plimulto da esperantistoj decidis, ke *la lingvo Esperanto devos tute sen ia ŝanĝo resti en sia ĝisnuna formo*.

Tion ĉi ni sciigas al niaj amikoj. De ĉiaj komentarioj ni nin detenas, ĉar la maldolĉeco de la disputoj estas ankoraŭ freŝa, kaj estas bone ne tuŝi ĝin. Nur unu klarigon ni deziras doni por tiuj personoj, kiuj erare komprenis la esencon kaj rezulton de la voĉdonado :

Kelkaj pensas, ke la farita decido malpermesas *por ĉiam* ian ŝanĝon en nia lingvo kaj faras ĝin por ĉiam tute *rigida*. Tio ĉi estas eraro, ĉar ĉiu ja devas bone kompreni, ke ni, malgranda kolekto da homoj, ne povas fari ian decidon *por ĉiam* en afero, en kiu — laŭ nia espero — poste partoprenos grandaj multegoj da aliaj homoj. La plimulto trovis, ke pro diversaj kaŭzoj en la *nuna tempo* nenio en la lingvo devas esti ŝanĝita; ĉu *iam* poste oni faros iajn ŝanĝojn aŭ ne, — pri tio neniu decidis nek povas decidi. »


L. ZAMENHOF.



## KOREKTINDAĴOJ

(La n<sup>o</sup> montras la paĝojn de la broŝuro.)

- P. 7, l. 3 de supre : post *ili*, forstreku la parentezon.  
 P. 9, l. 13 — anstataŭ « komunan », legu « komunan ».  
 P. 12, l. 1 — anstataŭ « La demando... » legu « Alla demando... »  
 P. 13, l. 4, 5 de supre : la streketo, kin montras la disigon de la paĝoj, devas troviĝi en la vorto « an | stataŭ ».  
 P. 15, l. 13 de supre : la frazo en parentezo estas en romanaj (ordinaraj) literoj.  
 P. 18, l. 17, 20 de supre : la vortoj « *Francoj* » kaj « *Rusoj* » estas en romanaj literoj.  
 P. 25, l. 15 de supre : malfermu parentezon inter « deklin » kaj « = deklinari ».  
 P. 26, l. 17 de supre : anstataŭ « distri » legu « distru ».  
 P. 27, l. 3 — anstataŭ « eksaladzi » legu « ekshaladzi ».  
 P. 27, l. 15 de malsupre : anstataŭ « interpunksi » legu « interpunkzi ».  
 P. 29, l. 19 — anstataŭ « livr (= liver) » legu « liver » (radiko ne ŝanĝata).  
 P. 29, l. 16 de malsupre : anstataŭ « sald (= lutr) » legu « sald (= lut) ».  
 P. 29, l. 10 de malsupre : « (= marcipan) » mankas en la originalo.  
 P. 31, l. 2 de supre : anstataŭ « past » legu « past ».  
 P. 32, l. 14 — anstataŭ « ripet » la originalo montras (erare) « *ripai* ».  
 P. 32, l. 5 de malsupre : « (= sibi) » mankas en la originalo.  
 P. 33, l. 4 de supre : (= *slim*) « mankas en la originalo.  
 P. 33, l. 15 — anstataŭ « steb » la originalo montras (erare) « *step* ».  
 P. 33, l. 11 de malsupre : legu « *esta bone* » en du vortoj.  
 P. 34, l. 7 — « (= virtuez) » mankas en la originalo.  
 P. 35, l. 6 el 7 de supre : la frazo en parentezo estas en romanaj literoj.  
 Plue, ĉiuj sekvantaj vortoj estas en la originalo presitaj disigitaj (« *gesperri* », laŭ germana modo), kaj sekve devus esti substrekitaj (*kursive* presitaj) :  
 P. 4, l. 8 : *nun*. P. 2, l. 23 : *bonajn*. P. 3, l. 9 : *plej* *gravaj*; l. 12 de malsupre : *konfuzon*; en la noto, l. 1 : *unbua*; l. 2 : *ĝis nun*; l. 3 : *daŭrigos*.  
 P. 4, l. 14 : *provizaj*; l. 5 de malsupre : *faraj*, *propoj*, *kundumaj*; l. 4 : *postuloj*; l. 3 : *konsilojn*. P. 5, l. 5 : *artikoloj*, *forigaj*; l. 10 : *necese*; l. 11 : *definita*, *nedifinita*; l. 15 : *substantivoj*; l. 13 de malsupre : *konsili*; l. 12 : *post*; l. 11 : *regulon*; l. 8-7 : *plej oftaj*. P. 6, l. 9 : *adjektivoj*; l. 12 : *egalan*; l. 18 de malsupre : *konsilon*; l. 17 : *regulon*; l. 13 : *numbrovortoj*; l. 6 : *pronomoj*. P. 7, l. 15 : *verbo*; l. 10 de malsupre : *teorioj*, *finigoj*; l. 9 : *vortoj*, *sufiksoj*; l. 8 : *finigo*; l. 7 : *sufiksoj*, *vorto*; l. 4 : *poras*. P. 8, l. 9 : *plenaj*; l. 12 : *plimalofte*; l. 6 de malsupre : *verso*. P. 9, l. 14 : *vortajn*. P. 10, l. 11 : *skribado*; l. 13 : *elparolado*; l. 15 : *sajne*; l. 16 : *diam*; l. 10-9 de malsupre : *laŭ mia nuna persono opinio*; l. 4 : *konsilon*; l. 3 : *postulon*. P. 11, l. 1 kaj 4 : *gramatiko*; l. 5 : *vortoj*. P. 12, l. 15 : *ĉiuj*; l. 8 de malsupre : *parton*; l. 6 : *nunaj cirkonstancoj*; l. 3 : *kelkajn*. P. 13, l. 2 : *aprobis*; l. 16 : *finigo*; l. 21 : *finigo*, *sufiksoj*; l. 6 de malsupre : *oportuna*; l. 2 : *viraj*. P. 14, l. 13 : *plej facila*; l. 10-9 de malsupre : *akcentitaj vokaloj*; l. 8-7 : *Maloportunaĵoj*; l. 5 : *oportunaĵoj*. P. 15, l. 20 de malsupre : *forĝeti*; l. 13-13 : *la plej simpla kaj plej facila por ĉiuj*; l. 5 : *provoj*; l. 4 : *la plej bonajn*. P. 16, l. 6 : *anoncoj*, *teksto*; l. 16 de malsupre : *krar*; l. 13 : *jam sin trovas*; l. 10 : *tute*; l. 9 : *detaloj*. P. 17, l. 4-5 : *tre prudenta*; l. 7 : *nia*, *ĉiuj*; l. 10 : *estanta*. P. 18, l. 7 de malsupre : *ekzemploj*. Noto, l. 2-3 : *tute simila al la nia*; l. 5-6 : *terno*. *libro*. P. 19, l. 6 : *nuna*; l. 14 : *perfektan*; l. 18 : *antaŭ*, *ekster*. P. 20, l. 13 : *tre frue*; l. 20-21 : *pro energia helpo en tiu ĉi preparigado mi nun alvokas ĉiujn antikvaĵojn de la lingvo Esperanto*. P. 21, l. 4 : *ekster*; l. 18 de malsupre : *konstantajn*; l. 15-14 : *kiel eble pli frue*; l. 11 : *Aboni*; l. 10 : *lerni*, *labori*; l. 3 : *Antaŭpagon mi ne postulas*. P. 23, l. 4 : *vortaro*; l. 12 : *nova alfabeto*. P. 35, l. 10 : *plej facila*; l. 18 : *la plej simpla kaj plej facila por ĉiuj*.



ÖSTERREICHISCHE  
NATIONALBIBLIOTHEK

702.281-B


ESP


2

ALd.
















## PRI REFORMOJ EN ESPERANTO

(UNUA ARTIKOLO, JANUARO 1894, n° 1 [49], p. 3-5.)<sup>1</sup>

Kiel mi promesis en la n-ro 12 de « Esperantisto » 1893, mi P. 3, nun komencas sisteman analizon de nia tuta lingvo. Peco post peco, komencante de la alfabeto kaj finante per la lasta vorto de la *Meza Vortaro*<sup>2</sup>, mi preparolos la tutan lingvon, kaj pri ĉiu peco mi montros, kian formon mi donus al ĝi, se mi komencus la kreadon de la lingvo nun, havante post mi jam 6 1/2 jarojn da praktika laborado kaj elprovado kaj...



1. En ĉiu represo oni indikis la numerojn de la originalaj paĝoj en *Esperantisto*.


2. T. e. la *Universala Vortaro* (verko n° 61; vidu p. 9). (Noto de la represo).



de la Ligo. Ĉiu volu doni sian voĉon tute libere, gvidante sin nur per la bono de nia afero.

L. ZAMENHOF.

(Sekvas la fino de *Pri reformoj*, p. 67 de *Esperantisto*, p. 27 de



— IV, 93 —

La fina rezultato sekve estas: la plimulto da esperantistoj decidis, ke *la lingvo Esperanto devos tute sen ia ŝanĝo resti en sia ĝisnuna formo*.

Tion ĉi ni sciigas al niaj amikoj. De ĉiaj komentarioj ni nin detenas, ĉar la maldolĉeco de la disputoj estas ankoraŭ freŝa, kaj estas bone ne tuŝi ĝin. Nur unu klarigon ni deziras doni por tiuj personoj, kiuj erare komprenis la esencon kaj rezultaton de la voĉdonado :

Kelkaj pensas, ke la farita decido malpermesas *por ĉiam* ian ŝanĝon en nia lingvo kaj faras ĝin por ĉiam tute *rigida*. Tio ĉi estas eraro, ĉar ĉiu ja devas bone kompreni, ke ni, malgranda kolekto da homoj, ne povas fari ian decidon *por ĉiam* en afero, en kiu — lau nia espero — poste partoprenos grandaj multegoj da aliaj homoj. La plimulto trovis, ke pro diversaj kaŭzoj en la *nuna tempo* nenio en la lingvo devas esti ŝanĝita; ĉu *iam poste* oni faros iajn ŝanĝojn aŭ ne, — pri tio neniu decidis nek povas decidi. »

L. ZAMENHOF.

la punkton 3, tiam ni komencos presadi (*senpage* kaj en la *teksto* de nia gazeto) : ĉiujn aliajn projektojn, kiujn alsendos al ni la amikoj de ni afero, kaj pri ĉiu el ili ni proponos voĉdonadon de la Ligo. Se la Ligo akceptos la punkton 4, tiam ni presos ĉiujn proponatajn ŝanĝojn al mia projekto kaj faros voĉdonadon pri ĉiuj tiuj ĉi detalaj ŝanĝoj.

P. 67. | El la ĝis nun ricevataj opinioj la plimulto esprimis sin : kontraŭ la elĵeto de **j** kaj **h** el la alfabeto, kontraŭ la elĵeto de la prepozicio **je** kaj de la pronomo **oni**, kaj kontraŭ la novaj formoj de la personaj pronomoj (Mi parolas nur pri tiuj ŝanĝoj, kiujn egaltempe konsilis *multaj*, sed ne *apartaj* personoj). Tial mi faras en mia projekto la sekvantajn ŝanĝojn : 1. **j** kaj **h** mi jam pli frue restigis en la alfabeto; 2. **je** kaj **oni** mi restigas; 3. la pronomojn personajn mi proponas : **mi, tu, elu, lu, su, on** (= *oni*), **nos, vos, ilu**.

L. ZAMENHOF.

(Sekvas senpere) :

### PRIPENSU LIBERE VIAN VOĈON!

Multaj amikoj miras, ke mi, kiu ĝis la lasta tempo konsiladis deteni sin de ĉiaj reformoj, nun eliris mem ne sole kun projekto de reformoj, sed de reformoj *tiel grandaj kaj radikalaj*. Nun ne estas tempo klarigi denove mian detalan opinion pri la reformoj, por ne fari premon sur la komunan opinion ĉe la antaŭstaranta voĉdonado; tamen, vidante el la ricevataj leteroj, ke erara komprenado de mia rilato al la reformoj povas konduki al erara rezultato de la voĉdonado, mi estas devigita doni

